



東岳集  
五

月城錄  
江都錄

~16  
2432  
5



和 10  
2432  
12-5



東岳先生集卷之十一

月城錄



萬曆四十一年癸丑十月十七日以錦

山郡守遷慶州府尹十一月十四日戊

辰發錦山二十四日戊寅到慶州越明

年甲寅八月差監試初試參試官赴善

山府試所儒生作亂潰出場屋臺官論

啓諸試官俱坐罷乃以九月二十六日

乙亥發慶州十月十四日癸巳入京城

在府凡十有一月二百九十七日



十月二十一日見本月十七日除日移授  
慶州吏曹牒至啓除朝辭許直赴府十一  
月十四日發錦山次沃川郡陽山倉途中  
口占

踈頑無術活疲氓素食年多面發驛滿秩只思  
歸故籍除書誰道轉名京旨甘足備三牲養風  
樹還追二品榮濫荷鴻恩過微分東來感涕向  
西傾

十一月十五日次永同縣伯仲兩兄時皆挾侍而來  
候角雙吹導騎驅板輿徐引彩衣扶雪晴愛日

四春煦

時通大風日頗甚初霽  
峽拆周行出畏途自錦

陽山兩境之間極險纜通大川注踐路始

二坦桑梓外家先祖里慈氏之先乃慶州山河羅

代古王都驛亭老吏翻相賀曾認蓬萊上大夫

東萊通東萊曾過慶州

戲贈黃澗尹民明宰

亂山深雪路多病倦遊身此夜宿孤館何言逢  
故人十年初把酒萬事各霑巾更奏離鸞鳴  
蟾正滿輪

十一月十七日宿金山郡吏田有性家

夜宿金山老吏家平池如鏡浸枯荷五更寒月  
三更雨無限風光獨自哦

十一月十八日憇開寧縣次善山府馬上

有懷濟原察訪徐希景推

不恨交遊晚偏憐氣味真峽天三大雪羈宦兩  
孤身翫月溪橋夜尋梅野館春別愁纔數日已  
覺鬢成銀大雪乃十一月節也

泂牒湖州遠移官嶺路忙未能成面別空復使  
心傷楓葉城南岸桃花水北庄兩仝携酒地回  
首萬山蒼君以差負時往右道

佛燈明滅安心夜樵唱高低歎逝秋清興忽驚  
成短夢兩鄉雲樹一般愁

十一月十九日渡洛東江憇海平縣宿上

林驛

一秣延香驛辛顛五度秋北歸因問寢東去又  
分憂喜懼今兼極行藏敢自由月波亭下水依  
舊碧悠悠

洛東江舟中餘次尼津一

昔罷萊山府歸驂渡洛江如今趁西日却得宰  
南邦伯仲仍聯鞅泂泗且駐艤白鷗沙渚立誰

復羨渠雙

十一月二十日懋軍威名溪驛次新寧縣

回寄錦山李進士時子中曙子賜昆季

吏隱名堂峽郡幽月城新命督征騶釜中赤豆  
三煎至盃上黃花兩泛秋不道桐鄉愛朱邑真  
如賈島望并州夢尋挂笏看山地朝暮烟嵐捲  
是愁

十一月二十一日宿永川郡留示吳使君

景虛微時歸觀榮川

三年不見景虛子千里獨登明遠樓霜月滿庭

人寂寂一彈瑤瑟萬端愁

十一月二十二日懋慶州北赤火谷宿安

康縣

長亭候吏逐驂駢夾路旌旗拂夕暉六月手揮  
蒲扇過五年腰佩竹符歸林巒指點先賢廟井  
邑行臨古國圻紫玉山光依舊碧回頭却愧鬢  
毛稀已酉六月余罷東萊  
來謁石山晦齋書院

十一月二十三日宿四方村

昨日北風止今日北風起昨日六十里今日三  
十去亦非吾去駐亦非吾駐一為慈母喜一

為慈母懼向來五日途十日行未至誰知使君  
身只係慈母意

十一月二十四日入慶州府

憶曾三宿此官城五馬還如畫錦行鼓角戩天  
軍將導旄幢翻日吏民迎鷄鳴犬吠多新戶虎  
踞龍盤壯古京巨鎮本來朝寄重預愁無術報  
恩榮

題迎春軒三首用板上五峯李相公金藏

臺韻

嶺外鷄林府鰲山海上來一從城北過五見斗

西回紫綬榮堪詫蒼顏老可哀戀君心更切何  
慶望鄉臺

千載孤雲後長庚始一來鵲鷄聲聞寂龍虎勢  
縈回文物衣冠盛兵塵鼓角哀無窮吊古恨珠

玉照荒臺戊戌冬五峯以皇朝陳御史按伴使來到本府

北嶽連雲起西川繞郭來城荒塔孤立野曠鳥

雙回馬并基神異揚山巖蘿井傍林間有白馬

之嬰兒出焉收養之六部人以其魚亭醉景衰  
生神異立為君是為新羅赫居世  
新羅景哀王出遊鮑石亭縣蓋兵弁入都城王  
典夫人走匿城南離宮蓋縱兵索王逼令自盡  
強厚王妃鮑石亭鍊無馮問三姓九聖但空臺  
石作鮑魚形故名馬

戲贈李提督省希聖因送酒二壺

羅府今提督唐時老廣文乙科何草草甲第謾  
紛紛日月河奔海功名儻夢君携樽且劇飲不  
必惜凌雲君已亥秋擢乙科第一名及第

漢廷高對策夏校久分司六斗三旬飯孤身兩  
鬢絲枉尋窮巷日同試弱齡躓涸轍須相喚忘  
形且勿疑戶曹會計提督朔料只六斗戊子秋君與吾同中漢城試

自錦溪移守雞林枉江陵鄭明府江手札  
云以貧易富固好第未知以靜換煩復何  
如耳戲題六絕句以荅之

君子口無貧富字丈夫身任靜煩場白頭許國  
丹心切堪笑旁人妄較量

乍逢萬里朝天日未吐平生仰斗心雙鯉忽後  
滄海到鳳凰臺下月沉沉已酉秋始見公於延陵府院君宅公時以

冬至使赴北京

半氈纔暖延陵宅一札先投徐伐乙耿耿寸心  
如片月清光夜夜照臨瀛

定力益加丁患難盛名常仰甲儒賢後知一顧  
偏增價擬奏高山未絕絃

曾入屏巖谷口行野翁猶說避蠻兵臨溪幾度

懷高躅却喜南來枉寄聲屏巖在錦山身安寺洞中公避海賊之亂

僑寓錦山村舍常愛屏巖泉石甚奇欲卜築以居云

百年遐想四仙人鏡浦風煙入夢頻安得乘雲北飛去海松亭上和陽春

戲贈樂工林德龍

三尺椰琴十二絃梨園法曲太平年白頭亂後驚相見日落雞林鎖占煙

權舍人所挽詞為觀察使權相公 聯作

伯居垣翰仲登瀛千里逢迎一卅榮纔見使星回象闕誰言別袖作銘旌承家高誼聯姜被輔

主深誠遺鄭羹不是巨卿饒托契白頭揮淚為

蒼生

舍人觀察弟也曾奉使南中與觀察會宴安東榮耀一時遷朝末十月歿

次徐察訪景推見寄韻

別西齋夜雲山隔幾程開緘二十字顏色見

分明  
對花調綠綺迎月酌烏程一枕西歸夢山川似

清明  
別恨那堪說寒雲暗驛程一州花絮裏同醉兩

十二月二十七日大風以雨夢遊兩宜堂



故墟是日立春

峽城頻聽塞鴻呼又見新春入古都  
閉閣雨中成假寐東風吹夢到西湖

立春門帖

玉燭調元氣金甌卜大賢  
世躋歌舞日民戴祝堯  
天北斗春風轉南山  
聖曆延三韓羅最盛  
霸業只千年

耒耜天山北衣裳日域東  
周臺休辨祲魯史繼  
書豐化被梯航外春回俎豆中  
家家太平樂舞蹈  
舞送呼嵩

木索生苔甲鎖塵男耕女織戶增新  
春來花柳東風裏不及吾民圃  
聖仁雨順風調百穀登  
三邊高枕海波澄與民同樂  
新年慶鶴髮成玄 聖壽增

除夜

守歲燈前強獻酬雞林新聽古歌謳  
一身去國三金虎余自庚戌迄于癸丑連為潭錦慶三邑宰  
千里迎春四土牛凡於三邑四見立春  
朔方路出磨天嶺萊府城臨對馬州  
記得望雲心折處彩衣今覺 寵恩優

甲寅元日

新正府吏罷朝參栢葉樽前卽酌酣江令錦袍  
承斗極楚臣蘭佩落江潭十年六邑南西北西  
日東風八十三榮悴美來身事足慶容歌舞祝  
彭聃

次東萊梵魚寺敬祖長老見寄韻

對月相思華傳書數字能兩年遺愛事堪笑一  
禪僧

寥落蓬山館真如野老家至今相憶地孤燭照

梅花曾在萊山時燈下對聽梅師適來訪酬和有詩故云

次韻送沈子虔怡都事還京城

亡國傷心地春風送客亭秦城不可望屹骨挿  
天青原隰高庚韻汀洲杜若馨遙知北歸日香

大趣清明

一舉離觴五摻裾故人先我返鄉廬義均无弟  
生同歲心愧賢愚八異間海嶠逢春頽狀改漁  
樵作業俗緣疎高陽舊侶應相問梅閣無詩因  
簿書

重贈沈都事子虔

老境逢元月殊方送故人雪粘梅萼晚風颺柳  
條新一出龍墀曉三回鳳曆春羅王舊朝市文

物更成塵

瑤石宮前揚柳新風光似渭城春欲唱陽關  
勸君飲秦京北望未歸身

奉次長水河察訪渾絕句韻

人不求名便有名一瓢堪樂萬金輕世間若也  
遠吾道何處青山未可行

道義前頭較利名鴻毛為重泰山輕試看宇宙  
人無數舍孰能箴用執行

衙軒東庭有老梅一株初發

春到身多事無心管物華不知東閣下新着兩

三絕

題智善上人詩卷已酉春在萊山師袖篋

來丐詩 宣慰使斗峯李弼善志養吾首

題一絕余亦步其韻今到雞林師又來訪

遂用前韻以贈

梅叢蓬萊館架梁帶月來依然六年面一笑共

含杯

南嶠僧仍住東風客又來小梅枝上月依舊照

深杯

用校生黃瓚詠梅韻

一樹庭梅占早春  
詒堂詩興十分新  
杖藜獨步黃昏月  
却愧西湖湖上人  
玉萼肯爭桃李春  
萬山水雪一株新  
高標本是隱君子  
皓質誰言羨婦人  
百卉前頭第一春  
南枝初落北枝新  
夙姿孤瘦誰堪比  
千載西山採蕨人

月夜賞梅

步下公庭傍老槎  
暗香生處是寒葩  
小胥不解踈枝影  
却怪搗筇到月斜

用校生柳尚忠詠梅韻

造物應知癖愛梅  
故教分竹又南回  
西齋日日侵星起  
坐看霜葩續續開  
誰向官庭種野梅  
春風却逐使君回  
孤芳似欲收詩債  
一句成時一藥開  
七年湖嶺六新梅  
幾挽長條首獨回  
憶得故園移小樹  
亂葩今日為誰開  
定是高人化作梅  
孤姿不待艷陽回  
年年任被風霜苦  
終畏天桃一處開  
南國今年春日寒  
雪堆西嶽未全殘  
官居獨有江梅發  
留著野僧相對看

雪霽尖風徹夜寒小梅初發恐先殘笛聲更奏  
關山調起傍斜枝月下看  
坐到參橫夜閣寒宦情無賴鬢毛殘七年四佩  
南州印梅蕊東風六度看  
淑氣獨鍾天地中回頭一笑萬花空高姿本抱  
冰霜操不管東風與北風  
老樹槎牙冰雪中一階踈影月當空枝頭凍萼  
覓不得時有幽香來逐風  
一朵橫梢亂竹中清香三嗅世緣空春深定被  
羣芳妬不恨瓊葩落曉風

雨中對梅

春寒料峭作衣稜曉雨無聲雪半凝誰信老梅  
花獨對使君風味淡如僧

二月十三日自北城外野墟移古梅一株  
植迎春軒東庭全樹摧朽東南三四枝開  
花頗盛喜而有賦

移得春郊一樹花月明踈影看橫斜誰知敲扑  
喧囂地多作西湖處士家

二月十五日月下翫梅

春暖梅皆破天晴月正盈從來兩般白翻作一

團清獨立渾無語相看特有情夜深人境寂奇  
絕冠平生

春日題衙軒

病告經旬晝閉關捲簾清曉看前山春空欲雨  
雲陰駁野燒無烟草色斑節序易從愁裏過林  
泉頻向夢中還風光故好非吾土坐覺浮名損  
旅顏

奉和月沙相公歲朝垂寄之韻

鳥嶺橫天半峯高勢欲摧夢尋中道返書裝後  
年來一出秦城雪三飛漢管灰古都空行立無

使寄新梅

苦憶論詩友吟魂玉樹摧補洲何日到楚些共  
招來身事隨漂梗人寰墮劫灰朝朝愁向北淚  
眼故梅梅右傷石洲

兄山道中有懷廣津別業用每到花時不  
在家韻

江路東風燕子斜一村楊柳一村花行春此日  
鷄林尹正憶新川岸上家

用金生宗一詠紅桃花韻

曉雨新晴後緋桃照日開初疑猩血染却認錦

賤哉

日出青霞散繁葩耀一庭共宜携酒賞絳雪恐

凋零

柳色如煙芳草長滿城花蕊開年光嬌妖最是  
紅桃樹醉後揚妃倚晚粧

次一英上人韻

一行仍作吏上載未休官直欲歸方丈仙丹服  
大還

老僧來說踏名山萬二千峯積翠間慚愧朝簪  
投未得鬢毛如雪滯人寰

訟庭花落雨痕斑錫杖來從杳靄間誰識上人  
忙半日却教半日使君閑

用敬一上人韻

春日欲晴仍欲雨晚花初落又初開新詩滿眼  
未成句衲子更從山寺來

春晚

去年三月錦溪頭三月如今卧慶州春到年年  
歸未得一番桃李一番愁

座首蔣啓賢家次學長慎應立韻

愛君丘壑好駐馬暫登臨日暖花舒錦風輕柳

颺金

山晚吟詩對江晴把酒臨以茲消白日何必鍊黃金

和孫秀才宗賀用慎應立韻作為七言絕句孫乃晦齋先生外王父兵曹叅判鷄川君諱昭之玄孫也

晦翁持敬本功深暗室還如上帝臨闕里至今遺訓在休教點鐵要成金退溪先生撰晦齋行狀有曰公持敬功深

蔣啓賢家席上戲示諸生

不去非耽酒相逢要索詩官橋四十里忘却日

西時

過慎學長應立書齋追寄三絕句次其韻

以答之

慎晉州人也避亂流寓因留府地

江之上

先哲鄉稱禮義邦背山新構面澄江書床獨對青衿講白首安貧信少雙

莫道僑居活計微菜根堪煮葛為衣朱崖黃閣相尋日白水青山獨掩扉

郊居白日閉柴荆坐笑朱轡犯曉行飲水曲肱真樂在儻來軒冕本非榮



東坡詩集卷之十一  
十一  
疊用前韻寄贈慎應立

北山形勝冠南邦，劈破丹崖瀉碧江。  
野草連天沙岸淨，一汀鷗鷺自雙雙。

晚嵐和雨遠，霏微綠淨春江可染衣。  
憶得廣津花落盡，草堂無主鎖荆扉。

曾過西巖共班荆，吏役驅人又北行。  
慙愧茅廬一瓢飲，日高三丈卧前榮。

復用江字簡慎學長兼寄酒二壺

岸中西塾倚南窓，山雨初晴月浸江。  
一望風煙不相見，馬軍空送酒瓶雙。

次進士權應立謝酒韻

理人無惠澤，不及酒熏肌。  
白屋蟬呻裡，慙君醉贈詩。

里間多感類鞭扑，少完肌紫綬都無。  
補深慙素食詩。

次表姪李龍進士烏嶺道中見寄韻

君供子職我縻官，腸斷春風會面難。  
欲寄雙魚問消息，嶺雲迢遞隔長安。

姪前年冬來訪我今歸觀京城

三月三十日

湖外兩春歸計遠，送春歸日每沾衣。  
東來又送

春歸去何日春風送我歸

鷄林勸酒謠二闕

一盃傾又一盃傾千載鷄林一夢驚况復人生  
草頭露不傾盃酒欲何營

憶昔新羅全盛年幾人豪貴富薰天千齡易過  
空城在世事如雲任醉顛

四月初七日

短歌

是日乃摧石  
洲發日也

蕃薇開盡桐葉大風景如舊人何歸歲歲年年  
當此日相思不覺淚盈衣

李渭原景母宜人永川李氏挽詞

八旬加二母儀尊玉樹芝蘭積德門榮耀宮花  
聯虎榜養隆符竹導魚軒弟兄契托同年日表  
內宗分一派源爭耐下車遲范拜孟隣寥落遽  
招魂

戶曹許叅議以 千秋使赴燕京枉書告

行詩以寄別

鳥嶺橫空尺素傳飲冰龍塞去朝天一千里外  
三千里四十年中二十年別路益遙常極目交  
情偏熟早隨肩只應燕市華賤貴遼薊風煙費  
幾篇

寄送鄭翼之翼令公以聖節使赴燕京  
之行

落地皆兄弟生年况一庚十霜徒北望千里更  
西征日月低遼塞山河壯 帝京火雲灣水上  
為吊伯夷清

奉簡海興君尹次野暄時以冬至使回自  
燕京

帝都萬里東還日湖郡三霜北望心握手無期  
身更遠瘴鄉煙雨雪盈簪  
端午

清晨結艾掛門戶蒲縷泛觴人共酣去國三逢  
五月五思家北望南山南可堪先隴隔香火只  
要高堂供旨甘小吏拜庭呈節物白鞋團扇滿

筠籃

本府故事工房吏例於端午日  
呈進白芒鞋草鞋圓扇子等物

新裁白苧試薰籠朱索縈門曉旭烘老厭簿書  
仍嶺外坐驚時序又天中蟾蜍蜥蜴傳方術角  
觥鞞韃驗土風想得詞臣進宮帖幾人規諫語  
偏工國俗端午例  
著新製苧衣

五月五日用李提督希聖韻

蒼綠浮樽酒味醺綉屏神印赤符文麝香舊釘

水團膩金縷新纏絲索禁二十離騷屈正則三千賓客孟嘗君良辰坐笑人間事萬古長空一點雲

永川吳使君景虛載妓酒來讌留與同宿  
因成短章奉謝厚意

河南漢循吏今日紹佳聲幸接分符地方同反哺誠枉驂開壽席聯枕聲交情永勗通家義忘年結弟兄

暎翠軒席上記興示李希聖提督

夏日西齋會清風起竹林笛傳波息曲琴奏寶

高音把盞臨晴野披牋眺晚岑未應河朔飲奇

興勝如今

新羅神文王時作萬波息笛云琴一六玄鶴琴出新羅仙人王實高

邀李提督飲翼日送青瓜紫燒酒

昔酒燒初紫新瓜摘更青竹齋風雨裡一為解餘醒

暎翠軒雨中留敬一上人

野闊官城遠溪回寺逕幽青山一邊雨白足十分愁水性終無定雲蹤本自浮不須催錫杖筠閣稱淹留

短筇荷雨遠相尋坐對爐薰到夜深海印煙霞

花一洞神興水石雪千岑話非塵世話中話心  
是俗人心外心霜髮愧為簪組累謾留禪客問  
雲林上人為說伽御智異兩  
名山之勝故第二聯云

用敬一上人韻

誰喚寒山子能尋老使君講鍾般若月齋飯武  
陵雲雪嶽燒香語風泉剪燭聞終期解朱紱白  
麻共為羣

夏晝官多暇空齋喜見君形骸兩槁亦心迹一  
閑雲竹近涼風至桐疎夜雨聞處喧機已息不  
必離人羣

題迎春軒

府城北門外有老梅一樹生於野田荒  
草之中枝幹甚奇莢者斧焉田者火焉  
摧剝殆盡將作枯枿余聞而憐之遂令  
官吏移植於迎春軒東堦之下又於春  
日移松於北山夏月移竹於南山列栽  
前庭左右成行松凡四十二株竹凡八  
百一十二莖柳州詩云好作思人樹慙  
無惠化傳者其此之謂耶余既無名公  
之德懼剪伐之或及也乃作長律一篇

絕句四首書諸壁上以祈後來君子因  
用俚語翻以為曲教小妓歌之俾毋忘  
封植之意云

鷄林城北古桑田獨樹寒梅閱幾年  
老幹半隨樵客斧新葩常帶火耕煙  
故移官閣勤封植休向春風怨棄捐  
堪笑使君偏好事小詩翻與教坊傳

東閣新移梅一叢坐憐零落野田中  
年年花散黃昏月回首春風記老翁

參差玉節千竿竹偃蹇龍姿十丈松  
辛苦移栽

無剪伐雪中看取翠陰重

春城雪後栽松日夏院霖中種竹時  
官吏莫嘲

偏愛物使君心事歲寒知時令小吏  
誤種松竹

竹實本非斗似李松花那得艷如桃  
不栽桃李

栽松竹四序常青一節高

書示鄉所令於鄉社堂多種竹

清風憂玉寒三伏勁節凌霜碧四時  
須向廣庭

栽滿地此君相對俗能醫

炎旭能涼酒易醒直竿堪玩韻宜聽  
最憐玉露

凋傷日萬木皆黃一葉青

用鞠主簿成詠梅竹始句韻鞠潭陽人  
不有新篁與老梅此生襟抱向誰開流寓府地  
小香謾笑偏成僻辛苦移從野外來

玉山書院書示諸儒生

萬古山傳紫玉名海東夫子晦先生無邊接下  
梧桐月想得當年意味清

聖賢前後生庚戌辛亥差遲一歲生獨執大中  
中國外惠和伊任與夷請

斤斧攻心利與名牛山那得有萌生體仁廟下  
龍湫在依舊靈源徹底清後二首院生見

玉山獨樂堂次李佐郎直見贈韻

遠尋真境仰高風嶽峙川渟地勢雄天挺故同

前邵子康節生於祥符辛亥道源仍作後濂翁

濂溪以熙寧癸丑卒於弘治辛亥及玉山嘉靖癸丑卒詩書軌範干戈外壬辰丁酉海賊

知遺澤未終窮先生嘉靖丁未竄謫迄今甲寅六十八年草木輝光杖屨中六十八年如一日定

愛君儒雅紹家風曾占詞場第一雄君以四書

初試第一名古貌清如溧陽尉剛腸直似杜陵

中覆試二等翁緋魚水部新負外駘馬霜臺舊殿中不怕罷

官真壯節詠歸誰效哭途窮

弱歲詞壇繼國風甘泉不復數揚雄六州剖竹  
非循吏雙鬢垂蓬作老翁韋語匡詩廊廟上馬  
書班史絃縲中樂天有誨吾安分繼未為通亦  
未窮白樂天自誨詩云汝今年已四十四吾今四十四歲故云

玉山獨樂堂贈主人李僉知後用五峯李

相公韻

堂乃晦齋先生別業僉知乃先生之孫曾為慶山萬頃兩縣令

人好烏亦好况乃溪山奇山中有閑地我欲老  
於斯揚歧良可泣墨絲詎無悲永依仁里居仰  
承明訓垂先哲云已遠捨子孰追隨

用辟上魚灌圃得屏字韻題玉山溪堂

聖學無傳正路迷玉山東國是瀛溪丁寧太極  
忘機辨不啻周公遠象屏

大道多歧孰指迷泗沂源遠混曹溪狂瀾閘斷

東流海隻手成都五石屏

九曲雲山紫翠迷玉珂搖月一條溪濯纓臺上

吟遺句不用同昌去忿屏

鳳去何年此擇棲獨留山月照晴溪儀形想像

堂前竹吳甲三千擁水犀

從來枳棘歎鸞棲欲把龍韜釣碧溪堪笑鋌刀

成利刃莫耶誰解水剗犀



直欲長簪此地棲山川疑是武陵溪向來金虎  
終難動世路還如植木犀

用辟上魚灌圃羞字韻題玉山溪堂

心本操存放孰求昔賢涵養此溪頭人來儘道  
山居勝不省浮生抵死羞

題畫竹扇贈玉山書院儒生

寫得琅玕一两莖清風六月手中生坐麾酷吏  
兼醫俗認取山翁不世情

題畫竹扇贈西嶽書院儒生

貌出踈篁葉葉霜輕風隨手奪清商赤曦三伏

烘如火分與青衿作一涼

西嶽書院席上答諸生見和畫竹扇韻

此君高節本凌霜夷諫周王皓隱商纔着一枝  
輕篔上夏天能作十分涼

句帶煙霞字挾霜喜君俱是起予商明年此會  
能相憶一篔風篔六月涼

題畫竹扇分贈八十歲老人

前教授李元

幼學黃二老八十四僉知李匡夏八十一  
前參奉金明斗八十三前參奉葉巖八十

一竿描出雪霜姿綠葉蒼筠貫四時憑祝丈人

如此竹鬚毛常黑不成絲

奉酬八十五歲老人李教授凱見次畫竹

扇韻

八十溪翁野鶴姿精神不減少年時手題新什  
煩相贈字字銀鉤句色絲教授居杞溪故稱為溪翁

題畫竹扇贈鄉所

一日此君何可無雪中標格篋中摹燭龍銜火  
燒天地坐見清風激懦夫

次李佐郎謝惠墨竹扇之韻

鯉庭詩禮世相承莫譬彭陳合作朋陳后山序云肩蘇公

太守徐余以氏事通德煙花初剪刀非鄭公鄉門

所居之里故以鄭公鄉比之武夷泉石並扶

藤武夷指王肯教偃室披清裁故遣安風辟暑

蒸盈把却蒙明月報愧無仁術副名稱

孤竹當年本兩枝首陽薇巖命何衰千秋凜凜

清風在激懦廉貪試一吹扇子二把故云兩枝

次李進士謝惠墨竹扇之韻

沙爛山焦天地烘瞳瞳火日正當空赤心附與

墨君去吹作蘭臺宮裡風

題扇子寄贈李校理民寬南居義

輕雕碧玉薄裁縑一匠功成二美兼掌握翻教  
楚王快宵襟恰似伯夷廉要看處世能舒卷休  
認隨時異冷炎絨寄騷翁應有意元規塵外卧  
陶潛

六月十五日

高廉金克已集云東都遺俗  
六月望浴東流水因為禊飲  
謂之流頭宴蓋以河朔避暑之飲誤  
為禊飲耳金克已有蚊川板禊詩

金伏炎天日屬庚愁霖新霽月方盈流頭本是  
東都俗舉目何堪北客情徐伐山川非故國赫  
居朝市但荒城坐吟袂前賢什玉薤深斟強  
自傾

六月雨中與李提督希聖飲

府庭休澣日黃舍嬾眠身大暑逢三伏淫霖過  
一旬共拚無事飲誰作獨醒人鄉樂新羅譜黃  
倡舞更真

夏景晴仍雨公庭靜不喧應知農務急未見簿  
書煩座接東山妓時傾北海樽此間無鄭老真  
趣共誰論

西軒席上醉贈李提督

淮陽堪戴馬期星吏退公門晝自扃伏日甘從  
袁紹飲明時忍作屈原醒處容古舞翻長袖漁

父新詞唱後庭行樂及辰須秉燭百年人世一  
郵亭

醉中戲作短歌贈李提督

昨日顛狂未自知醒來堪戒衆官醪正熟  
客又到相對那能不舉匜

用慈仁縣校生金應鳴詠竹韻

後來無竹令人俗故向官齋種逸庭坐對翠陰  
心骨瑩世間何事更關情

晚風颯颯聲搖枕晴日瓏瓏影轉庭長夏閉門  
官事少一軒偏有野居情

千莖玉立綠亭亭句引清風滿一庭日午睡醒  
涼到骨軟紅香土轉無情

煙葉參差含露淨霜竿惹翠拂雲高此間大嚼  
非佳士痛飲應須誦楚騷

貞姿本似伯夷瘦清節故如巢父高湘水有靈  
吾欲問此君何事却遺騷

萬竿蒼玉森如束直節捎雲百尺高坐愛清陰  
不受暑午風吹作雨騷騷

七月初一日

行年四十四又復聽鳴蜩故里猶惆悵殊方本

寂寥平生經濟策願補聖明朝奈爾淹龜虜鳥  
蟾不我饒

行年四十四又復聽寒蛩鏡愧蒼顏皺梳嫌白  
髮鬆武謀戡世亂儒術贊時雍佩竹身全誤歸

心覆鼎峯

余家田園在三角山下  
三角山一名覆鼎山

初秋簡李佐郎

宜進士潛兄弟

坐憶清姿白玉溫紫溪曾共訪真源鯉沉頓訝

山川隔蟬噪翻驚日月奔客位久懸徐孺榻秋

風虛對孔融樽煩君莫道無公事一為談詩到

府門

韋蘇州簡郡中諸生詩談詩一  
解頰又贈丘丹詩每到府門趨

秋聲

昨夜西風起浮生幾日休蟬吟朝嘒嘒蛩語夕

啾啾觸耳悲新律搔頭憶故丘更堪梧竹葉一

各鳴秋

七月十五日

一歲三元日新秋節最佳涼風驅溽暑急雨洗

陰靈寶蓋開靈醮蘭盆施佛齋坐聽歌吹沸雲

月上天街

七月十六日夜酌席上戲示李

宜佐郎

初秋月仍滿薄暮霧全收今日蘇仙賦當年赤

壁遊百齡真一瞬浮世盡荒丘直到東方白清  
樽飲不休

贈別徐翹秀才

徐生翹字鴻舉原州人世居居昌縣去  
年秋來見余錦郡清學古賦授文選楚  
辭今年夏又來請卒業留兩月歸覲其  
親因赴秋場余嘉其心醇而行峻志確  
而身勤作為近體詩二篇以志別

錦峽曾驚負笈遙春來鰲嶺阻清標雲龍東野  
那堪別栢馬之哀不待招三見玉輪丹桂茂一

聞金井碧梧飄彩衣歸趁高堂望側佇真鵬早

拂霄

娥林迢邇隔仙桃誰料擔書不憚勞坐誦梁皇  
太子選行吟楚國大夫騷馬卿多病家仍窘燕  
市悲歌氣自豪倒廩却慙垂橐去古城秋雨首  
徒搔

奉簡北渚金冠王令公

時以江界府使秩滿還京  
一代誰憐我三年獨憶君塞西瓜又及江左竹  
仍分鼓角陰山雪臺隍瘴海雲歸朝得無恙急  
為寄新文

奉寄西巖趙持世玄夫趙善述兩君

死者不再生豈自知殤彭生者未一死一日千  
萬事昔為死者怛今為生者怵只願死寧早不  
必生至老

死謂石洲也

死別聲已吞秋草高陽路生別首長回落日城  
南樹一從炎方棗三見涼風起何時更相對共

話今日意

石洲葬高陽

奉簡清陰金叔度令公

一別風塵事百般月輪三十四回看相思莫怪  
稀相問羈抱如今寫出難

戲荅安奇崔察訪

明書

共是降仙臺下人驛程相見便心親南來五月  
一書札海樹秋生寒雨頻

題無禁亭

李僉知浚地於府北十四里許豆毛

淵之上新構茅亭高據山巖俯臨郊坰

盡鷄林一府之形勢置酒邀賞請名於

余余曰蘇東坡云江上清風山間明月

取之無禁用之不竭以無禁二字名之

何如主人曰可勿請余題其楮上

郭外林臯歷澗瀆草亭蕭洒絕塵氛一川風月  
元無主四野雲山捲屬君白水直趨滄海合青  
虹橫射紫霞分日斜吹笛漁兒返坐看沙汀起  
鷺羣

野闊山平川勢洄古都形勝此高臺數聲長笛  
一樽酒烟雨滿空沙鳥迴

迎春軒讌西嶽玉山兩書院夏課儒生席

上有賦

衿佩初筵序冠童鹿鳴章句旅酬中三韓此府  
詩書國兩院諸生禮義風忙為槐花勤隸業好

將秋卷細爭工 聖朝行見菁莪詠翻愧文翁  
化未隆

秋夜口占

三霜銅虎滯炎州蓬鬢成絲又一秋永夜不眠  
心耿耿孤燈無焰室幽幽寒蛩自作常年語倦  
客偏生異地愁坐憶西湖舊釣處蒹花烟月滿  
汀洲

秋夜口占

秋夜何曾睡羈心獨自傷若為桐葉密又復竹  
梢長急雨仍留響淒風特送涼鬢毛無次第翻



恐併成霜

秋日雨中

鳥嶺層峯外鷄林壞郭中  
雨聲分蟋蟀秋氣集梧桐  
去國三年吏憂時一病翁  
平生張翰興鱸膾憶江東

自七月初吉或陰或晴連雨不絕至八月

上旬始得開霽

秋至乃淫雨雨晴秋已深  
短曦無火焰涼吹自商音  
策戰梧葉脩脩鳴竹林  
更聞百虫咽一夜勤歸心

八月十四夜

玉兔清秋月金鰲故國城  
山川坐寒落雲漢望虛明  
霸業興亡地羈身寵辱情  
夜深聞折柳棲鵲更多驚

中秋不見月

中秋積雨喜全晴薄霧無端翳  
太清安得長風掃萬里直教  
明月掛三更年華忽忽羈形老  
世故紛紛宦况輕留客且宜成  
一醉四筵歌妓莫停聲

一輪遙掛九重高此夕年年衆望勞  
怕看野雲

微點綴忍聽溪雨遠蕭騷蟾光射水蛟鱗動桂  
影籠山魍魎逃坐惜華顛失清賞暗螢飛亂鵲  
驚弭

八月十六夜

寥寥西郊雨冥冥北嶺雲桂華那得見梧葉不  
堪聞清節臨秋半沉吟過夜分憶曾天似洗一  
鏡掩星文

八月十七夜

白月仍生魄玄雲未解圍雨聲聞漸急河影憶  
全微輾轉深更徹蹉跎夙計違天風一掃洒猶

及見澄輝

八月十五日至十八日陰雨不止

待月官城閉中宵獨倚樓詎知三日雨空負一  
年秋宿雀驚枝濕飛螢喜廡幽老夫霜滿鬢今  
夕最堪愁

戲簡永川吳明府景虛

槐密蟬鳴夏桐疎鶴警秋兩州纔一舍孤坐未  
同遊白首從吾老黃昏特地愁明朝向西去只  
擬暫登樓

奉簡竹陰趙怡叔佐郎

莫訝經春闕尺書忍題何語問離居秋來相望  
無窮意只要身強不願餘

附 次韻

一首清詩手自書故人珍重問幽居交情慣  
向窮途識唯予平生信有餘 竹陰

寄贈林翊秀才在錦山

一別陽山雪月中峽天雲樹隔千重逢人欲寄  
相思字夜雨侵階語亂蛩

吳景虛以海松子見遺

多謝永陽伴一帙海松子知我慈母衰齒落方

甘旨用此作餐粥亦是當藥餌感嘆何以報腹  
中四十字

永川近民堂敬次圃隱先生明月樓韻

海天霜落塞鴻回節近重陽細菊開高閣凌雲  
山勢斷長沙畫野水聲東四年南國身千里萬  
事西風酒一盃目極鳳城何處是半峯斜日獨  
徘徊

秋日題衙軒

一着朝衫百計違未曾窮歲卧荆扉雪花古塞  
三如席梅雨炎方五化衣白髮松篁後宮裡得青

山徒向夢中歸掛冠神武終何日南嶠還驚北  
鴈飛

九日奉簡林典籍檜公直李六尹俊昌期

典籍時謫梁山  
庶尹時謫盈德

楚客登臨日蠻鄉寬逐臣只應增惡抱誰與作  
佳辰吏役身何倦交遊意最親黃花不同賞空

送白衣人

宋玉九辨曰登  
山臨水送將歸

重陽

瘴烟無地望中宸木落江潭鴈又賓四歲兩州  
三九日盛朝多士一孤臣樽浮菊蕊寒香重妓

戴黃房艷態新却幸菲才叨 聖渥華筵隨慶  
壽慈親

答白善鳴探進士書

一別都城雪秋風五聽蟬湖中猶不見嶺外更  
無緣對月心扣憶逢僧信忽傳西南幾千里黃  
葉滿山川

一別都城雪春天五見梅黃冠卧水石紫綬走  
風埃幽事真堪羨殘生只有哀寒亭對歸使搔  
首句難裁

寄松湖白進士善鳴

智異山分界乾坤各一涯如何五歲別又是九  
秋時世泰唯耽酒身危欲廢詩兩鄉今日意應  
只菊花知

復用前韻答趙怡叔

北八驪珠滿紙書瘴鄉三歲隔田居紫毫斑管

尤多感忍是年前起草餘

右謝寄  
黃毛筆

題詩欲報故人書北郭東京共索居千古山河

三姓後五更風雨九秋餘

寄贈白進士善鳴

錦州相望旅魂銷移守鷄林地更遙嶺石折天

盤鳥道海雲出野吼緇潮雪殘郵館叢梅紫霜  
重官橋斷柳凋何日眼青同把酒白頭身事坐  
蕭條

謹次月沙相公寄示之韻

本是松桂性肯為霜雪摧晨星千里隔秋月兩  
章來鳳口明時詔龍鬚異日灰柴荆休歎老和  
鼎待鹽梅

前途何太險堪戒後車摧雲鴈銜蘆去燈蛾觸  
燭來誰能怨飄瓦爭欲溺燃灰願作吳門卒無  
人認姓梅

九月二十日見邸報諫院以善山試所舉  
子作亂罷塲潰出論啓試官都事朴公善  
長及余與安東府使李公弘胄並坐罷  
一為南郡吏三見北鳴賓正屬思歸日仍成坐  
罷人手拋青綬印頭戴白綸巾自此衡茅下琴  
書好養真

九月二十六日發慶州鄉校書院諸儒生  
追至大谷里設餞送戲書以贈

秋風吹我故園歸正欲拋官罷亦宜象闕一分  
金虎重鰲岑十看玉鑿虧本非廉守來歌暮豈

有何君去見思慚愧青衿勞遠餞白頭翁說是  
新儀

九月二十九日行到阿火驛戲示送行諸

人是日次永川郡

驛在州西三十二里北  
至永川四十五里

去年十一月二十四日上任迄今九月  
二十九日共三百日慶州境內凡十三  
面民戶共五千三百六人口共一萬七  
千七百三十六

二年三百日留連戶五千人萬七千窮巷幾曾  
驚悍吏逋租時復責荒田權衡斗斛生鞭箠雪

月風花入管絃歸路始慙無惠化只應遺謗滿

山川余嘗喜出遊山水間故云

九月三十日次新寧縣自永川北至新寧四十五里

明遠樓朝發新寧縣夕投朔風飛木葉羈鴈叫沙洲此日三秋盡平生萬事休儻非歸去興蕭瑟詎堪愁

十月初一日宿名溪驛初二日次軍威縣

道中記興

嶺南風日暖十月隕微霜野柳寒仍綠山葉晚始黃鷄豚散平圃鳧鴈聚深塘一一供詩料歸

途不厭長

十月初三日次比安縣自軍威北至比安縣三十七里

竹外青山柳外沙縣齋寥落似田家斜陽駐馬無人問步入中庭嗅菊花

一階梧竹淨無埃晚菊經秋獨自開認得使君官政簡訟庭紅葉覆蒼苔

屏山口占在比安縣內

谷狹初無逕巖平却有臺樹圍村掩暝沙坵澗縈回暝靄埋松嶂寒花點石苔晚來幽興極孤嘯重徘徊

十月初四日憇安溪驛在比安地宿醴泉多仁  
縣初五日渡守山津在尚州醴泉兩界之間憇咸昌  
德通驛宿聞慶幽谷驛

日日無風日日晴板輿安穩過長亭天公定識  
行人意冬暖如春草尚青

贈幽谷驛吏方鐵司

我曾祖容齋先生集南遊錄中有方潔  
吟其叙曰幽谷驛舊有文匡公記釘于  
壁燕山甲子公被害官命撤去驛吏方  
潔箴之謹及反正復出釘之嗚呼當時

士大夫用心有能如潔者乎余感而有  
吟其詩曰庶流未易輕潔也尤瑰奇甲  
子禍滔天人命如奕棋哀哉涵虛公棄  
身荒塞陸焚如及題詠令甚風火馳幽  
谷板上記巨筆宏其辭潔也夜抱歸十  
襲終不疑是豈有所要中心難自欺漢  
運既反正趙璧亦無虧我今過古驛覽  
之雙涕垂嗚呼若潔者可為士林師又  
有近體詩一首曰驛吏有方潔吾詩曾  
一云斯人今幸見此事古難聞名豈榮



東岳集卷之十一  
三十一  
枯變心無貴賤公紛紛輕薄者何物是  
浮雲文匡公乃大提學洪公貴達涵虛  
其號也公本咸昌人公之往來于朝潔  
必為之執鞭者也某嘗讀是詩多潔之  
義久矣己酉秋自策山罷歸京城也行  
到是驛問潔後世得見胤男與之道其  
故而去今而來過胤男已於辛亥夏歿  
矣又求潔後幸得鐵同蓋潔子一曰一  
一子一曰平平子四曰六曰七曰八曰  
九七八無子九子 曰胤男胤男無子

六子一曰繼齡繼齡子三曰豐積曰富  
積曰善積富積善積無子豐積子一曰  
鐵同鐵同於潔六世孫也噫自燕山甲  
子迄今甲寅百有十年之間潔之後傳  
于六世只有一鐵同在焉而問諸鐵同  
潔之為潔既不能知之又惡能知我曾  
祖潔其潔而詠歌之也潔為潔而潔其  
潔者至鐵同尚不能知况後於鐵同者  
乎在鐵同且不能知况不如鐵同者乎  
余竊恐自此而往是驛之吏矇然將不

知有潔潔之有以記馬亦無以考故每  
到是驛必求潔後詢疑系屬形諸文字  
既以示潔之後又以示我曾祖之後後  
於我而略於是者留為是驛一故事也  
時萬曆四十有二年歲在甲寅冬十月  
初五日申德水後人書

爾是万吏後吾為容祖孫初逢似曾譜茲事共  
誰論義氣一夷險世情多覆翻千秋幽谷驛名  
與兩篇存

幽谷驛傷方胤男

廢朝獨護涵虛板容祖曾題方潔篇逢看後孫  
論舊地六年重過草連肝

十月初六日次聞慶縣道中述懷

峽內風霜早冬初氣候嚴潦收灘減響嵐卷岳  
曾尖餓雀鳴踈柳寒鳧隱搞蕪蕭條歲暮意鬢  
雪不禁添

十月初七日踰烏嶺

伊昔辭萊府如今罷月城危途再行色祖歲六  
秋聲晚晚柴荆計崎嶇竹帛名老龍湫底伏應  
笑謾勞生

十月初八日發安保護驛憇水回里宿忠州

丹月驛驛在瀨川之上厥明日朝雨不得行而作

丹月驛前水樂天亭下流江寒未乘舸雨暗且

停鷗鷺驚空相待雲山空復愁歸心逐逝浪先

到故汀洲瀨川之水至廣津溢而別流為一派

川之上余家壘山別墅在壘空之下

十月初九日雨晴晚行宿崇善里初十日

次石院

三日郵程六日期暫時行又歇多時官僮不識

承顏地却笑家貧去故遲

十月十一日過竹州憇承甫院宿陽智縣

院在竹州地陽智別號秋溪

今日畿州路秋溪近漢陽即看奴僕喜方認旅

羈傷錦水星三昂鷄林露一霜鬢毛明鏡裡那

得不成蒼

十月十一日憇龍仁縣宿廣州板橋院

昔向湖州去今從嶺路歸客心渾似夢誰悟主

人非

十月十三日渡二田浦余於辛亥十月十

二日渡漢江赴錦山迄今甲寅四寒暑矣

有感于懷舟中口占

是日宿臺山翼日入京城

清漢滔滔接廣津北歸南邁此江濱初分錦虎  
當辛亥忽解羅龜是甲寅十月風煙仍似昔四  
年人事幾回新痛舟直欲乘流去不向緇塵更  
誤身

東岳先生集卷之十一 日城錄終

東岳先生集卷之十二

江都錄

丁巳六月初二日乙未以備邊司薦授

江華府使初十日癸卯拜辭而行西坳

柳相公用晚翠堂韻追寄為贐敬步其

韻庸述微志備局堂上凡於議薦之時

各舉一人公時任備局以余膺舉時余

新適左副承旨

初十日出宿城外翌日  
遭伯氏僉知公喪不  
得登途是月二十  
二日始得上任

已亥清和釋褐人佩符關郡自壬寅西南湖嶺

仍東尹四十星霜又七春却荷吹噓叨迪簡無  
拚咳唾責征輪亂中負米羈棲地五馬生輝一  
慘神余於萬曆己亥春三月為端川郡守後歷  
洪州牧使東萊潭陽府使錦山郡守暨慶州府  
尹端在關北歲在湖西萊在嶺南潭錦在湖南  
慶則古號東京余生於隆慶辛未迄今萬曆丁  
巳四十有七歲壬辰夏海賊之亂余幸先大夫  
人奔竄關北癸巳冬來寓是府西城內民家駐  
凡三載太夫人甲辰閏九月棄代故篇末云

附元韻

江都一府盛民人左右津名甲與寅列鼎專  
城七邑養慈闈八袞六年春知音敢道能推  
轂閱世空悲老斲輪更擬郵筒賦松竹古來

幽獨畏傷神

西坳

曾與東岳令公和答晚翠堂寅字韻東  
岳令公為養老之江都復用原韻贈之

監察李琢以晚翠名其堂求詩文於縉紳諸公

題府館東軒壁上

畿內關防島上州海門江口勢環周國朝置鎮  
三千戶王氏移都四十秋即墨獨全齊走日晉  
陽方屬趙歸謀龍鍾恐負明時寄手握青萍倚  
古樓

鎮海樓在甲申津

鎮樓迢遞壓河梁鐵鎖譙門石壘長漢水北來  
分一派海天西望接三方地形自昔金湯險王  
道如今玉燭光坐嘯曲攔潮滿港歸帆無數雜  
漁商

奉和滄洲車僉正追次五山韻見贈之作

乙未四月十九日車五山以祈雨典祀  
官抵松嶽路出江都時余避兵亂僑寓  
府城內閭舍五山用客館板上韻見示  
余乃和之曰落日層樓望秦川隔遠岑  
鳥隨雲共沒愁與病相侵嶺徼春初滿

湖城歲欲隕每吟王粲賦羈恨到如今  
今者余剖符于茲滄洲以太常官監列  
通津適來訪余五山歿於乙卯三月二  
十五日己踰再期遂誦五山遺什相視  
而歎追思往事杳若夢中感今懷舊法  
然良久滄洲曰步其韻余亦同賦云時  
萬曆丁巳八月二十有二日也

二十年前句蒼茫海上岑詞場一夢覺官閣百  
憂侵古木含秋響寒雲起夕陰太常能繼和才  
格冠當今

樓認曾憑檻山憐共對岑文星九原落太守二  
毛侵樹老秋聲早天晴海氣陰少蘇揮筆處坐  
視昔猶今

奉次車滄洲留贈詩韻

玉麟頰下彩雲端江色黎氓拭目看當日鼓鼙  
愁動地即今湖海喜安瀾主人蝸室仍如故客  
子鷄衣不耐寒二十五年輸一瞥悲風吹樹坐  
摧肝癸巳冬避兵亂來寓於府吏高希淡之家乙未秋還京城甲辰閏九月丁酉憂

附元韻

直辭雄略冠朝端武緯文經股掌看畿服一

區嚴鎖鑰海門三路壓波瀾長洲月落潮聲  
急古堞風生霧氣寒料得使君揮健筆百篇  
傾倒繡心肝

滄洲

書學允上人詩卷

有母懷鄉土為僧避俗徒好粧書籍賣勤辦旨  
甘需杖逐隨陽鴈囊輸反哺烏平生墨行者幾  
許謾名儒

贈學允上人用滄洲車僉正韻

逢僧江國憶洪都龍鳳山光水墨圖惆悵十年  
南又北白頭重對八峯無師洪州人住龍鳳寺

追次五山車僉正贈思一上人韻

七子非先輩三都在下風北邙秋草遍南郭故廬空  
慘淡僧牋上從容海郡中陽春不可和雜擬愧文通

郡城聞夜雨江浦起秋風遁俗形為累尋真計  
又空白蓮雲嶂外青鶴洞天中一錫行無住禪心悟六通

贈慎博士天錫

去歲君亡弟今年我哭兄初心只倉卒遠日漸  
分明海嶼相尋地秋燈一種情群飛有鴻鴈何

事互悲鳴

經石洲權汝章舊居

高麗山前烏里陂詩翁曾此結茅茨芙蓉清水  
驚人語鷓鴣秋天出俗姿晉代尚麟埋玉樹翰  
林徒憶解金龜傷心不待隣家笛卧柳西風集  
鸞斯

追次權汝章贈法林上人韻亦靈樹上人

萬曆丁巳九月二十一日差祭官詣豐  
德齊陵路由府北洪海里見汝章舊  
墅在烏里川上夕到陵下遇樹師言汝



章曾在江都遊白蓮寺贈其師法林長  
律一首為余誦之愴然有感追步其韻  
以自遣云

天地何心理可疑若人名姓小兒知坐思豹隱  
鴻冥日忍見芝焚桂折時鷗鷺有盟江渺渺竹  
松無逕草離離對僧秋夜傷神事纔過山陽又  
聽詩

寄心印上人

師時住天磨  
山佛教庵

聞說高僧入定深白雲流水共無心天磨不用  
三年住一訪摩尼海上岑

獨坐書感

朔風動江海寒日隱山崗慘慘雲陰黑蕭蕭木  
葉黃自然驚歲暮况乃感人巨孤鴈失儔侶此  
時鳴且翔

府舍雨中有懷權汝章仍柬宋子深

淵

我友席上珍今成松下塵本是鳳鸞質只應孤  
兔隣寒雨滴空館暝煙生古闈子期思舊意獨  
坐待元賓

林咸陽慙母夫人徐氏挽詞

憶送魚軒小雪天咸陽不是偶同年陶家截髮

供賓慣孟母遷坊教子專七袞仍臨三鉅邑一  
堂曾設八榮筵錦城此日歸真宅未奠靈床淚  
送泉

題徹雲上人詩軸用五峯相公韻

歲暮窮陰迫閉關江城寥落坐凋顏毗盧帝釋  
重溟上佛日天王積翠間霜髮已從香土老衲  
衣能占道機開興公賦就纓難解羞向高僧說  
愛山

贈惠安上人

萬方聞說祝生東要見金剛第一峯回首深慚

五百里紅塵四十七年蹤

奉次觀察使柳令公亮戲示之韻

十一月二十日以 太祖康獻大王影  
幘陪從諸臣支供差負如水原竣事將  
還方伯柳公率都事設饌于府使衙軒  
禮曹郎官亦與焉比夜三酒府使追挽  
帶鉤盡破余因醉倒於方伯之座禮郎  
扶而起之枕之以膝及至酒醒鷄已三  
鳴矣方伯以詩追戲曰醉後不知觀察  
使屏間謾擲玉麟符輒步其韻而謝之

牙門禮重異京都酒席能容下大夫金帶破從  
防禦挽玉山頽許佐即扶丙侯且貸車茵此曹  
相休嗔吏舍呼雅量似公今始見一生曾佩七  
魚符水原府使時兼京畿左道防禦使

寄示白蓮積石兩寺讀書儒生

聞說三冬集勝林少年諸子古人心朝披黃卷  
偏忘食夜對青燈共惜隕紙被有稊風力峭石  
門無逕雪花深馬軍走送鷓夷酒高聳吟肩試  
一斟

用前韻贈任生景游

年纔下七騁書林聰敏還能苦用心近體即看  
追鄭谷長篇爭說敵汾陰欲教筆力凌雲健須  
待詞源倒海深坐咀百家華滿腹六經終要及  
時斟

用前韻寄全生以敏

參君才格秀儒林玉樹清姿錦綉心詞賦直須  
禁屈宋篇章不獨跨何陰溪風簸雪寒雲重石  
路盤崖古刹深要與論文隔層嶺凍醅初潑惜  
孤斟

十二月十四日大雪翌朝始霽用前韻

玉雲如糝滿平林曉起幽齋爽道心高卧掩扉  
傳洛下胡吟撐艇憶山陰藍關控馬南遷遠屬  
國吞氈北塞深身際盛時紆紫綬綠蛆浮瓮坐  
頻斟

十二月十五日雪夜對月用前韻

雪霽山城玉作林月輪徐輾到天心千村忽似  
三清界六合都無一點陰鶴氅步尋梅塢滑鴨  
鑪吟傍竹窓深尖風徹曉寒侵骨坐對雲壘手  
自斟

十二月十七日大雪復作用前韻

比年勤雨禱桑林木德從今認守心臘雪滿山  
三尺厚朔雲垂野一冬陰潤露隴麥連天秀寒  
辟官蝗入地深田父占時應共喜不妨蕉葉十  
分斟

十二月十八日雪後寒甚用前韻

朔風號野雪縈林兀坐憂民攬寸心海凍不流  
疑積素天昏無色閉窮陰樵肩乍息厨煙薄汲  
手頻呵井逕深安得釀成千斛酒一州寒餓與  
同斟

戊午元日

寥落吾生事元朝益可傷坐拈椒栢酒忍誦鶴  
鳴章只自思南郡無因慰北堂曉來城畔柳空  
復改年光曾於潭錦慶三邑伯仲氏來  
會正朝上壽酒故茅三聯云

立春門帖

北山烽火平安報東閣梅花次第開白日漸遲  
公事少祝堯長捧紫霞杯  
田翁社酒村村鼓海客漁歌浦浦舡雪霽麗譙  
春又到摩尼山下水如天  
桑村麥隴謳歌盛漁戶鹽田賦役輕花繞海山  
波似鏡太平時節聖人眠

慈親鶴髮三千歲 聖主龍顏一萬齡清曉黃  
堂栢葉酒更將多黍祝租丁  
八十如今又七年朱顏不改鬢仍玄蟠桃結子  
須臾事坐看桑溟變作田  
春入高堂愛日長宿痾都去體逾強從今不用  
栽萱草身本無憂豈有忘

贈熙悅上人追次石洲權汝章韻

烏石江上人歸玉女峯前春又到小樹桃花  
古藤陰至今腸斷城東道黃公酒壚迹已空白  
蓮淨社名獨好悽悽錦里求友篇寫與當時悅

長老

師佳府西高麗山白蓮寺

壬子四月初一日汝章以宮柳絕句被  
鞫 殿庭初二日謫配咸鏡道慶源府  
初四日出就道疾革不能行停東門外  
路傍人家初七日晡時而逝先是嘗有  
人題其家牖上曰况是青春日將暮挑  
花亂落如紅雨權君更進一杯酒酒不  
到柳聆墳上土汝章歿其牖下其日申  
時立夏庭有桃花零落紛紛噫勸換書  
權劉伶換書柳聆汝章詩禍實出於柳

家聞而媒蘖之也人之死生禍福莫非

前定痛矣哉

寄簡任博士

叔茂叔鄭翰林昌德餘

欲哭不能歌不可兩鄉今日一般情世間書疏

吾全廢莫恠開緘隱姓名

戲占絕句二首寄上月沙李尚書

西多獐鹿北鱣魴嶺海之南橘柚鄉行向此中

堪飽喫死生無愧別何傷

舌欲成喑耳欲聾一身無用是雙瞳見難忍涼

聞驚骨終恐狂言誤此翁

鬚白髮

白髮如春草朝朝鬪又生流年縱可駐其奈感時情

長溪夫人趙氏挽詞

貞敬曾封府院門功名蓋代壺儀尊壯元承旨  
真豪士王子夫人是幼孫東海桑田看忽變長  
平坑率向誰論兩七否運無家國大耄還堪慰  
九原

童川初依孟母隣王家少弟最相親清時富貴  
尊榮地晚歲零丁契濶身送米起居纔荷荅索

灰消息遽傳真休言八十今加六北望天涯倍  
愴神

李監察祖母李氏挽詞

八十高堂又一年有孫生子到曾玄中間孤子  
三從欠畢竟康寧五福全駟馬田園歸獨早海  
鄉蝦菜養方專隣巷遽輟應相吊晚翠門闌近  
古阡

金判官季挽詞

憶昨吾兄歿公來哭甚哀未曾移歲律何遽掩  
泉臺歎曲通家義蕭條輔世才江城望湖路不

得奠單杯

公之弟婚我哥子自此兩家如一家友愛偏知  
出天性沉寔誰信蘊才華暮年五品宦仍薄浮  
世六旬齡詎遐惆悵龍輻返湖曲柳堤門巷  
陽斜

李判書志挽詞

鳳凰池上早蜚英形像麒麟際 聖明白雪唱  
高華使服紫泥啣遠島蠻鷺縱橫甲第婚姻盛  
大小尚書父子榮四十三年成一夢春風吹淚  
向萊城

黃叅議致母夫人安氏遷葬挽詞

昌順名家甲我鮮中遭險釁繼沉綿城西塞北  
三千里地下人間二十年白首先歸常異室黃  
腸重斂始同阡山稱洪福真靈趾後裔從今慶  
益延

兵間卜地未應詳更恐前喪殺後喪纔閱三年  
纏素鞵旋超百里啓玄堂春回揚隴松楸盛風  
送江舟日月良鄒木好襄防墓事度支誠孝裕  
穹蒼

仲春雪後夜坐口占寄上月沙李相公



南北東西行未行莫將身世枉關情  
寰區只恐無寧日嶺海何憂必喪生  
二月天寒三大雪五更人靜一長檠  
孤懷耿耿重江阻欲寄新詩句不成  
獨坐空堂仍獨行傷時不語只傷情  
隴雲杳杳人何去江草萋萋春自生  
朝案却餐憑曲几夜窓無睡對寒檠  
慈闈八十方纏疾直欲投簪計未成

附 次韻

李廷龜

一病元知有此行那將榮落動吾情  
孤臣罪

大誠難赦 聖主恩深欲並生  
僦屋尚移燒藥竈閉窓猶對讀書檠  
投荒倘得閑風日未死餘年搃玉成

月沙

去歲深冬作遠行松楸霜露動微情  
極知抱疾終歸盡不是緣詩太瘦生  
阮籍錯為青白眼昌黎奚擇短長檠  
年今七十身宜退却笑灾來在宦成

西垞

即事口號

日日都門西復東  
征人相逐路無窮  
如今莫唱陽關曲  
瘴海陰山是洛中

去者誰還行更多玉門銅柱捲天涯秦城今日  
春風起幾處新梅有主花  
語固當然然亦然此身何處此時全城南席藁  
真堪恠萬事無心七十年

恭題

宣祖大王御筆墨竹圖

曾見金河西題

成廟御筆墨竹圖末

白根枝節葉盡精微石友精神在範圍  
始覺聖神伴造化一團天地不能違刊  
行于世今者羅州印本墨竹乃我

宣祖大王御筆也敢效河西體作為絕句敬

書其下恭惟 宣祖大王嘗於禁中命

伐三色桃樹因有詩曰大桃一朵花變

幻二三色植物尚如此人心應反側故

首句云

曾聞三色桃花伐却觀琅玕寫一莖四十二年  
培養地幾人今日保堅貞

贈白生負尚賓

善鳴之子

匹馬春江渡幾津海城相訪別愁新鄉間歸日  
翁如問病起東風鬢似銀

贈李泰叔

亨進士

東坡集卷之三  
十五  
回頭三十又三春  
璧水聯裾有幾人  
青瑣侍臣俱寂寞  
不妨猶戴白綸巾

疊前韻贈別李進士白生負

春到悽悽不似春  
冷雲疎雪更愁人  
時危不敢分明哭  
故對離樽淚濕巾  
斷腸官柳一枝春  
折贈南歸北去人  
別後雲山各千里  
幾時重與落烏巾

重贈白生負尚賓

人情別久自相忘  
何事乘春訪海鄉  
見面忽忽却分手  
老懷無賴只增傷

青山漠漠路迢迢  
野雨新晴水沒橋  
日近津亭人欲去  
春風搖蕩木蘭橈

奉寄橘屋尹景說正郎松湖白善鳴進士

兩君皆居海南縣

頭輪山北海南堦  
坐百相思路幾千  
橘屋詩豪仍白帽  
松湖草聖是青氈  
古來世事無今日  
春到梅花似去年  
欲寄封書問消息  
夕風吹雨暗江天

即事口占

慶獨常如人在旁  
語曾無聽口逾防  
愁來直訝

乾坤窄病起翻嫌日月長白髮暗揮新涕淚蒼  
生空著古衣裳寬心是酒吾偏嗜醉輒顛狂且  
覆觴

謹次滄洲車僉正韻

鶴汀歸夢在垂綸謾入承明廁從臣五馬流連  
七大府百年踈懶一閑人城隍寂寂閭廛古島  
嶼茫茫草樹春未報國恩驚白鬢紫宸東望倚  
樓頻

三月三日奉次車滄洲韻

世間誰見學仙靈只要樽前不輟醒况是春風

最佳節滿城煙雨柳初青

附原韻

老大真難養性靈詩憐吟咏醉憐醒三三又  
得纖纖雨天意分明助踏青 滄洲

三月三日奉贈車滄洲

府堂寥落似禪龕誰料騷翁此駐驂桃蘂夾蹊  
紅半綻柳絲搖岸綠初含新詩堪詠一觴一巵  
日正逢三月三天意亦應偏好事野烟和雨暗  
江潭

贈法林上人追次石洲權汝章韻

師海西人也去年秋始見師之於靈樹於齊陵竹慶寺說洲翁嘗與師游仍誦洲贈師詩請余和余乃步其韻而贈之今以祀官到厚陵興教寺師見余出示洲手迹則樹所誦也師亦索和輒復用其韻以記即事留為後日之覽云時萬曆戊午春三月十有一日也

相看一笑兩無疑水月禪心老子知憶昨相逢樹公地言師常對石翁時東躋楓嶽南方丈曉踏天冠暮俗離安得金篦刮眼膜後車堪戒旋

哦詩

喜靈樹上人至

去年秋夜宿齊陵萬木寒聲一點燈與爾此時成軟語至今相憶似親朋簿書衮衮身仍繫江水盈盈月幾絙錫杖忽乘花雨到獨憑烏几晚愁凝

書示靈樹上人

相逢亦無語相別即相思此意果何意爾知吾未知野雲濃似墨江雨細如絲心與境俱寂春風吹柳枝

戲留靈樹上人

昨日柳絲黃今日柳條碧昨日杏萼紅今日杏花白以我清意味對此好時節僧來不遣去山月圓仍缺

朝對城前山暮對城前山山雲起復滅山鳥去又還心靜境不喧世忙身自閑即此是樂地何必出人寰

題靈樹師詩卷

府中何事強留僧坐我金剛最上層寒令客來如恠鳥不堪鳴喚使人憎

花塢雨晴紅旭昇柳堤風軟碧煙凝跣趺鈴閣靜相對身是使君心是僧

如歌如哭鳥聲亂半雨半晴嵐氣濃留僧十日

又五日日日名山千萬峯

城外垂楊風倒吹城頭雨濕杏花枝老夫無限傷春意更耐山人歸去時

送靈樹上人還齊陵行慶寺

雲暗山頭雨滿空遶堤煙柳颺春風津流渺渺郡城北寺院寥寥陵樹東江月共看盈又缺野花方對白無紅人非木石真堪笑去住依然此

日中

書儀禪上人詩軸

禪也年今三十三名山四十四幽探東登骨岳  
接關北西過香峯走嶺南草履有蹤皆水石銅  
瓶無影不雲嵐鬢毛雪白身軀繫坐使江州太  
守慙

題淨水寺浮屠殿

千古浮屠殿摩尼岳麓東山回入境隔天豁海  
門通蜀魄啼斜月梨花墜暗風慙為虎竹累一  
宿別禪翁

淨水寺贈學玲上人追次權汝章韻

海中孤嶂雨花天百八真珠一味禪浮世傷心  
無限事獨吟遺句憶詩仙

三月三十日

春至亦無興况云春遽歸老身再再健愁鬢已  
全稀鳥怨競相啣花嬌空自飛明年詎可料獨  
酌對斜暉

四月初七日

權汝章  
歿日也

每年今日骨如銷况此江城坐寂寥一樹桃花  
紅又落萬條楊柳綠仍搖牙絃已向鐘期絕湘

魄難憑宋玉招田指山陽舊廬在野風吹雨暗  
官橋

寄東踈庵任博士茂叔

今日懷兄淚君家喪弟心况吾慈母老又此宿  
病深官因無喜懼道豈異升沉莫恠音書絕雲  
山隔海濶

用前歲見寄之韻復柬任茂叔

幾時重入上東門紫陌風塵白日昏聞說三年  
採蕨地一間茅屋傍山根

沁州城上望龍門峽樹蒼蒼海霧昏春恨只應

均兩地紫荊花落憶同根

寄上西垆柳相公用晚翠堂韻

扈 聖詞臣共幾人兩朝宗伯協惟寅龍頭早  
對三千字龜息方躋七十春翻覆無常雲變狗  
盈虛有數月成輪莫憂歧路風波起忠義平生  
質鬼神

寄簡申揚正字

四月今年閏田居麥熟遲一簞應已罄千卷詐  
無飢門館通家日兒童受業時莫嫌陶令米晨  
夕要相資

陶令乃陶胡叔送米事出世說



奉次月沙李相公見寄之韻兼柬朴說之  
洪輝世兩令公三家遣奴時適偕到  
一札魚書絕三僮鴈影連翻思湏江路亦逐攝  
提年擯落應無憾清貧共可憐烏程有餘俸未  
害附歸船

海城愁闋寂灣館憶留連輟祿逾三月隳官近  
十年苟全方自愧能忍且誰憐日日風潮上歸  
心逐釣船

附原韻

李廷龜

苦憶江都相盈盈一水連風帆纔半日遠別

已三年傲吏真堪隱羈臣只自憐窓前櫓聲  
過疑是子猷船

月沙

答李佐郎明用行字韻見問

湏外曾隨儼使行至今門下荷高情通家父子  
孫三世失路憂悲苦一生祖帳市醪寒凸罍直  
廬宮燭暗銷繁春江極目添離思喜見新詩句  
老成

戲簡任茂叔

莫嗔無一字吾意在雙魚離居勸加飯此外報  
何如

奉寄趙持世

時領妻子歸南原別業

君歸白屋我黃堂江北江南路杳茫  
智異岳連嵐瘴重摩尼峯斷海天長  
居均苦樂猶相戀迹間昇沉詎可忘  
今日所期身各健莫教憂惱鬢添霜

奉柬石陽正

時住公州田庄不肯還京

石陽公子筆如神早向淇園喜寫真  
心與此君今不愧閉門湖外絕風塵  
草綠湖西春復春王孫何日北歸秦  
江城一夜相思處萬箇琅玕葉葉新

奉贈貝教授

具君和本府人也自少窮經常誦春秋  
七十三歲始中乙卯榜生負時為府教授

年垂八十雪蒙頭筋力猶強且朗眸  
晚擢生員除教授早通經術誦春秋  
鄭慶本自功名薄梁顯終當志業優  
坐愧倥侗忝府主知公艱阨未能賙

申正字以開城府煮酒一壺見遺曾為人囑

正字未諸松都官

夏月松京酒曾聞煮法真辣因椒味重甜以桂  
香新本要供慈母何言荷故人感茲能錫類休  
比乞諸隣

法林靈樹戒元三上人來訪

法林無事卧雲根靈樹誰言踵戒元暇日鷺逢  
三釋子公庭幻出一祇園說金剛處風生揚問  
妙香時月上軒州吏不知丘壑趣定真透便愛  
桑門

壽詞一首寄上五峯相公五月十六日

蝸牛左角戰方酣背郭新居結睡庵天上謫仙

元姓李人間老子復稱聃香山六十才加六挑  
寶三千待着三想得獻圖齊祝頌德星文彩擁

孤南公一號睡窩

寄謝白善鳴以圓扇見遺

寶篋來南國知吾奉止堂製憐團比月麾愛潔  
逾霜畏日三庚熱輕飆一枕涼平生白上舍至  
孝似黃香

六月十二日已巳出都城還府道中作

不到秦城才一春傷心萬事與時新門墻寂寂  
多空宅車馬紛紛少故人漢日尚流梁傳滄晉

朝誰污庾公塵扁舟江海却歸去白首寸心懸  
時以公事入京城即歸

扶醉出城戲贈友人

扶路醉歸君莫嗔醒時何忍出城闈街南街北  
舊行處太半人家無主人

大風

六月二十六日夕大風動地東南來勢翻八溟  
若激電響振五岳如奔雷田婦只憂禾稼偃里  
翁方懼屋廬頽辛卯年間我已驗念時中夜起  
徘徊

題馴鶴軒詩軸成司果汲

昔聞緱氏山頭客駕鶴昇天是七夕七夕今逢  
馴鶴翁定知王子人間謫

重贈馴鶴道人

胎禽本自出風塵不是仙翁不可馴今日見君  
詩滿軸聽松門戶果清真汲乃聽松先生庶猶子也

七月初九日祇受府尹教旨肅拜而作時

局啓辭以府使批而尹以重體統使

太守新陞尹前朝舊徒都地形留險固迂議備  
艱虞廩賁增租賦軍興戒版圖心慙踈懶性重

寄荷 恩殊

七月二十四日監董修繕諸役戲書以志  
戊午四月十五日達州夷奴兒哈赤入  
寇遼東襲破撫順總兵頗廷相等將官  
數十人一時戰歿各鎮軍兵二萬餘人  
盡為屠戮遊擊李英方全家被擄廣寧  
總兵張承胤中軍梁汝貴等領兵追擊  
全軍敗死 天朝發十四萬兵特遣經  
略揚鎬提督杜松劉綎等討之 勅諭  
我國徵兵一萬令東西夾攻時虜勢日

熾數月之內屢犯上國連陷城堡奴酋  
移書我國大肆恣罵聲言朝鮮若入援  
中朝必移兵先擊朝廷震懼中外洵洵  
都下居民無不荷擔而立議者皆言江  
華一邑在於海島距京城最近連通西  
路控引南方土地之沃魚鹽之利人民  
之衆足以扞禦不虞之變自前國家擬  
為保障之地及時修繕申明檢飭以備  
緩急為今日切務自 上下教特命廟  
堂差出檢察使專為勾管急速措置是

身五年卷三十一  
歲六月沈公惇膺是命七月初五日來  
到本府審察形勢規畫防守諸事自是  
月二十四日沿江東北兩面修築土城  
古址浦澹各處植木為柵以本府館舍  
歲久傾側幾至頽圯故乃於東軒之後  
劉山拓地新建別堂一區將以為避兵  
駐蹕之所如麗朝故事也沈本名說  
後又復名  
麗朝多難此城完簡出名卿故檢看催築廢墉  
填滯沆旋開行殿劉嶺岠廟謨正在先陰雨地  
勢其如小彈丸上策只須寒賊膽未應王業要

偏安

申正字復送松都煮酒用前韻以謝之

老境渾無賴偏憐酒味真即看黃口小何限白  
頭新湖海蒼茫地秋風寂寞人一瓢今又至謝  
甬舊比隣

八月梨花盛開

辛卯九月松都路家家梨花樹樹新如今江郡  
仲秋月梨花滿枝開正均群芳不敢乘常候一  
歲偏能占兩春老子焉知造物意坐憂人世似  
壬辰

寄上月沙相公

海天秋月滿輪明坐憶春官舊上卿早以文章  
酬際會誰言藥餌壞功名年華易謝常分袂國  
事多虞復點兵幕府下僚顏鬢改只應江畔益  
傷情

奉酬月沙相公疊用鄙韻見寄之作時萬

曆戊午仲秋下澣

國南門外德星明盛代元臣古正卿衣鉢相傳  
四詞伯江河不廢一時名從知世事如春夢要  
破愁城有酒兵龍蟄會隨雷雨起即看蛙磔快

輿情

八陣雄圖慕孔明五言詩法出蘇卿支離郡邑  
淹身世少小君王識姓名不用重書褒漢吏欲  
將談笑却秦兵平生素志俱凋落空愧金章荷  
聖情

九月九日

去歲天倫逝今年世累嬰時檢察使黃花兩佳

節白髮半平生秋月新州館潭陽在秋雞林古

國城連枝落帽虜追憶只傷情

寄任茂叔博士

承文老博士放逐寄山潛嫉惡剛腸苦安貧雅  
節廉何須事隴畝且可販魚鹽膠漆平生契休  
言異冷炎

百尾鮫魚百斗鹽也非傷惠詐傷廉自慙坐嘯  
餐仍素誰憫行吟突未黔博得晚杭炊亦好釀  
成新耐酌無嫌江城極目令人瘦木落郊廛歲  
又淹

謹次五峯相公見寄之韻

王業能安小島中築城還與奉天同新堂不用  
拋梁祝恐遣胡兒笑大東

附原韻

李好閑

江都城闕定之中聊備巡遊岳海同大尹文

章光萬丈兒郎新祝滿天東 五峯

寄上五峯相公用前韻

持螯可拍酒杯中風味秋來孰與同張翰當年  
錯料事只緣鱸膾憶江東

九月二十八日癸丑作時檢察失宜糾摘甚

峻即引疾不出檢察大憾馳答請罪又起  
臺諫論以輕蔑使命上止命推考臺諫

即鄭道也

番被人推一月中危機無計保孤蹤怨因睚眦



常持旆事足瘡疣易觸鋒公議是作歸薄過聖  
恩終始出優容義難解絃留堪愧坐別寒燈到  
曉鐘

次尹正德耀煌見寄之韻

與君生一甲四十八回秋伐木存交義停雲起  
別愁江山對搖落日月逐奔流青眼期何處時  
危各白頭  
一時俱滄淚奄忽兩逢秋膠漆通家分參辰隔  
世愁華山徒北望江漢自西流落日聞孤鴈應  
同雪瀟頭

奉次滄洲車僉正韻

紫綬息光際 聖君名登白簡出深文世情平  
地千層浪身事長空一片雲鴉閃野煙寒接陣  
鴈衝江雨暝號群官居病起催歸思秋盡湖鄉  
落葉紛  
水園秋殘天早寒曉來愁思自多端太常八斗  
才何用上尹三刀夢亦闌海氣作雲靈野日雷  
聲和雨吼風湍明時竝洒窮途泣曲被 思私  
去住難

奉呈車滄洲

滄洲道士是吾師  
司馬文章子建詩  
黃甲壯元名太早  
白頭僉正宦全卑  
兩年江國三逢地  
萬事風塵一斥時  
擣散亦為霜後葉  
不知零落向何之

重贈車滄洲用前韻

三黜爭傳柳士師  
誰憐平子四愁詩  
本來褚小難懷大  
未信天高且聽卑  
宇宙兵戈西塞路  
山河雨雪北風時  
功名自是浮雲耳  
身與虛舟任所之

奉和車滄洲疊用前韻

不見麟儀與鳳師  
薰絃寂寞帝姚詩  
放論道德經生蕩  
糾合功名管氏卑  
海竭山崩誰濟物  
雲翻雨覆獨憂時  
年過五十身垂白  
九萬穹蒼莫問之

孤竹鬼然百世師  
首陽山上采薇詩  
神農太昊皇風遠  
牧野鳴條王道卑  
白髮了無重黑日  
黃河應有一清時  
深慚腐鼠翻相嚇  
鳳德何衰未去之

十行綸綍出王師  
獫狁真如六月詩  
鳳管本非荆曲艷  
玉臺無復禹宮卑  
雪中大電燒雲日  
月

下長星貫斗時擊劍起看天地窄欲休官去竟  
安之  
昔未成童早就師長公詞賦少公詩一家父子  
聲名大八代文章氣格卑古訓每承尋繹處  
言偏許品題時忍看存沒均蕭瑟恩比丘山莫  
報之

敬次車滄洲韻

助公天下士不得免飢寒失路江湖遠經秋鬢  
髮殘題詩愁自詠把酒笑相看誰識鄂城劍龍  
光斗又干

日落江山暝風號草木寒明朝相別遠此酒莫  
留殘冬月雷仍聽晨星彗又看感時歌自苦彈  
劍滂闌干

寄鄭翰林百德餘

昔拉佳公子兼携醉翰林西城訪高躅東陌問  
幽襟的的三年夢迢迢萬里心江州深雪夜對  
月愧華簪

洪纘緒李長馨兩生携酒四壺月夕見訪  
醉中率題

海城吹角斷人行雪霽天寒片月明誰謂青州

四從事能隨白面兩書生揚家問字傳奇語晦  
谷談農見野情莫恠使君偏酩酊一場風致二  
難并

贈李秀才長馨

男子要為大丈夫只須多讀聖賢書胸中義理  
真堪樂世上功名總是虛人若用之裨造化國  
無知者寄樵漁窮通自有天公在莫遣流年枉  
負余

送柳塾秀才之成川

綉衣曾上降仙樓十二峯頭月一鉤今日送君

回白首夢中歌吹是閑愁

即事

丙辰上元虹貫日丁巳小至雷震人東方南方  
彗星出七月八月梨花新盛代興災有如此皇  
天示警寧無因黃髮田翁共驚恠不知憂國也  
憂身是年七月彗星見於東方九月彗星初  
見東方漸移向南長可十丈十月彗星又  
見東方  
長竟天

十一月十五日庚子記事

疎懶平生少宦情要營甘旨忝專城再逢謫罰  
者至三方伯遂具由啓聞廢衙移病乞罷  
守臣不可適易使之安心察任仍即下諭

深含詬三乞歸休急避榮誰謂 聖朝恩特被  
却教慈母病仍嬰素餐未效消埃報留為冬温  
面自驛時太夫人疾篤節又亟  
寒不得扶侍以行故云

奉寄趙善述時以禮曹假叅議回自寧邊  
奉移奉先殿 影幘于松都也

南曹假叅議無恙踏關西一路笙歌競千行粉  
黛齊浮名真幻夢勝地幾留題堪笑江都尹支  
離困見擠

再用前韻戲簡趙善述時以分兵曹叅議  
鎖衣慶運宮

假節回關右分司直闕西宦途甘自屈身命苦  
難齊吾輩多人物何時變品題淒涼沁州吏一  
月兩推擠

雪暗蚕頭北潮平燕尾西雷陳饒契託李杜忝  
名齊路隔心常折詩傳手自題全生各安分不  
用怨人擠

戲贈姜順安謂伯尚

君生己巳我辛未乙酉年中新結交當日長安  
擅才譽即今衰朽任人朝八官無賴拙潘岳一  
尉可怜窮孟郊歲晏相逢輒相別島門風雪暗

歸梢

贈別沈都事恪子虔

河海雲山莽四圍江都莫說屬王畿樹連里落  
官居僻米塞津流客到稀謝令自慙推不去宋  
生那忍送將歸男兒意氣消磨盡萬事傷心潯  
欲揮

立春門帖

戊午十二月二十一日

八十高堂又八春玄孫生子子生孫庭前日日  
葉衣舞王母桃花落籬前  
椒花盤上幾回新萱草堂前春復春人世百年

真一瞬坐着滄海九飛塵

除夜

一更門閉鼓初撻吊影燈前意自慙世路危如  
太行阪人情險比樂昌瀧道機謾被塵緣縛愁  
陣難憑酒力降忽見江關兩除夜筆鋒無賴鼎  
能扛  
二更間巷吠寒旒盆缶連聲共擊撞黎庶幸逢  
年穀熟歲時尤見土風厖春錫沃餌初登案臘  
酒浮蛆正潑缸四十八翁心獨苦孤吟還似滯  
殊邦

三更出戶看天杠華岳蒼茫隔一江栢葉金罇  
擎壽酒梅花玉管奏新腔憶曾少壯身強健醉  
共朝諧語亂呢霜鬢驚嗚呼心欲折鴈飛行斷不  
成雙

四更門外斲人筵冰底幽泉響石砧春逐漏壽  
輸短角臘收年律謝寒缸吏情始慕彈琴恣野  
性終希採藥龐歸意蹉跎費官俸腹腰空大塊  
胨肛

五更更鼓五逢逢坐視星河拓紙窓歌憶高山  
雲漠漠釣思嚴瀨水淙淙孔鸞步武趨丹陛龍

虎韜鈴擁碧幢風計俱虛年又改隼旗初日上  
高杠

己未元日

又飲屠蘇酒龍鍾尚未歸初心為親屈末路與  
時違曉日生江岸春風入野扉如今四十九歲  
瑗已知非

正月十日雪中用去冬送酒韻寄示積石

白蓮兩寺讀書諸生

山南北兩祗林春雪漫空愜賞心野隴迥鋪  
千頃白江雲寒結萬重陰吟成柳絮詞應妙坐

對茶煙境正深莫恠鳴鞭送官酒擁鑪堪續去年斟

答洪注書憲書

堂後趨班日年前待漏心所懷侔大隱何愧異幽沉春入宮城曉雲生鳥樹陰數行能見問衰疾雪盈簪

戲簡閔人知汝聖之

年年帶方紙高義敢忘之竢罪江城吏無顏問歲時

戲簡閔正即機

南郡年年扇高風誰可忘坐慙嚴謹後不敢訊暄涼

戲答李正即尚古景穆次來韻

海口非無蛤江心亦有魚此身逢謫罰何面問離居

余自四十歲以後鬢已斑矣右車第三牙動搖頰久今又缺折書以識之時萬曆己未元月之晦

四十翻添九春來奈老何牙從今日缺鬢是昔年華磊落青萍劍悽涼白雪歌太公那可望歸



種邵平瓜

奉寄石陽正

春到湖西草又生碧雲無日不傷情屋梁落月

三竿竹一寄金溝太守兄重表兄金景說氏時以金溝縣令路由公

州將欲訪公四庄故書此以寄

戲簡李佐郎明李進士漢昆季

苦憶青蓮好兄弟春來眠食定何如江都老尹

身多辱未賦歸田鬢蓋疎

津樓春望

火燒平岸荻芽短雨霽亂峯嵐彩深無限春江

好風景故山回首猶悲吟

白進士善鳴挽詞

鍾王筆法盛唐詩玉老天才絕代奇從事白衣

聲早繼書名黃紙計終違每年陸橘遙投我今

日江梅靜對誰鶴髮兩家俱八十不堪清血向

南揮

金通禮子始男偉挽詞

伯同年齒仲連姻接開相從契分親共羨一家

兄弟盛何言兩歲死喪頻功名落如綠心曠麤

槩沉冥見性真無限鶴原去年淚為君揮洒重

盈巾

洪加平 黼母夫人尹氏挽詞

益相高名白日懸當時閨範合無愆即知貞敬  
夫人義爭說嘉平太守賢八袞加三隆奉養四  
州如一昂清堅驪城此去哀榮極馬鬣新封啓  
故阡

謹次五峯相公寄示之韻

晴禽相喚正啾啾坐覺春和景漸佳一疾未應  
煩藥餌莫將憂惱攬高懷

曾說焦桐賴伯喈荆州題品士方佳厖眉忝託

龍門早滄海明珠遠入懷

雪窓誰詠北風喈已見春天物像佳陸海一苞  
并五味好須加飯且安懷

奉和西垌相公用月沙相公韻寄示之作

二首

紫垣星象逼黃扉宿德彌尊世道移時與屈伸  
名自重國同休戚鬢全稀鳳池早射雙龍氣麟  
閣終標一鶴姿出郭只應心戀闕夢中仙仗正  
依依

雅望傾朝鎖北扉僑居南郭律頻移詞壇牛耳

卿材大世路羊腸壽宿稀老鶴唳墀江海思孤  
松偃壑雪霜姿憂深社稷身何愛日月清光得  
早依

疊用前韻奉謝西垞相公

幾時冠冕謁天扉窮巷經春帶眼移耆舊勳盟  
從占重狀元文柄似公稀毫端白也揚清調紙  
上羲之奪俗姿驚捧隋珠光滿室墻高數仞忝  
曾依

欲拋章綬返荆扉簿責交加病屢移閉閣正思  
身罪大開函莫恠信音稀鬢條晚歲安人略偃

蹇平生拔俗姿名辱自憐知己少非公高義更  
誰依

月沙相公以五峯西垞兩相公酬答之作  
長律五首錄為一編寄示責和敬次其韻  
用述微志

屏居聞說畫眉坐見玉春斗柄移一代主文  
誰得再大邦專對昔猶稀金鋼玉絮巖廊器虎  
倒龍顛澗壑姿蓮幕舊僚逢彈射身如獨鳥亦  
無依

奉次月沙相公寄示之韻

疆壇老将舊參謀技薄雕蟲尚自羞驛騎一千  
里作客龍灣七十日陪遊鸞戩秀句皆傳誦錦  
席清尊幾獻酬往事只今成短夢海城春滿獨  
登樓

奉謝月沙相公用前韻見寄韻因呈此什

以足其數

一城風雨近清明寥落三年病馬卿闕狀正甘  
加厚譴褒息曾忝奏虛名誰知管樂能經國自  
笑孫吳好用兵多謝詩壇老盟主彩戩時寄慰  
幽情

戲柬閔校理有願吉

二月忽已半一春餘幾何溪花嬌欲笑谷鳥鬧  
如歌曾識旅寓近可憐公務多芳辰未相訪獨  
坐向山阿

二月忽已半一春餘幾何浮生元少暇好事轉  
多魔川上日華麗柳邊風力和無因載酒去芳  
歲惜蹉跎

二月忽已半一春餘幾何君鬚那更黑我鬢亦  
全皤在世苦無樂及時酣且歌簿書翻作崇徒  
此望烟波

通津文殊寺天緝上人從戒元上人清明  
日雨中見訪

清明時節雨迎梅坐凭烏皮屨大槐隔水不知  
天緝在叩門能逐戒元來杖頭楓岳峯峯月屐  
齒香山寺寺苔慙愧霜毛四十九郡符猶自滯  
塵埃

次天緝上人韻

平生性癡喜尋僧蕭洒如師見未曾安得春風  
拂衣去共登皆骨入神興神興寺名在智異山

戲寄趙善述曾差楊經畧鎬問安使持赴

遼東臨叢見遼時為分承上

曾傳問安使不日向遼東詐料分承旨仍趨慶  
運宮窄情三黜後春色百憂中此夕應相憶孤  
吟兩地同

贈別義忠上人還水落山寺

水落峯頭寺波羅谷口庄川原一何曠洞壑兩  
相望木屐窮山逕魚符滯海鄉春來僧獨去短  
髮愧滄浪揚州海等村一名波羅洞

萬曆四十七年三月初四日都元帥姜弘  
立副元帥金景瑞隨天將劉都督綈喬遊

擊一琦等擊建州奴賊天將戰敗死之弘  
立景瑞不戰而降

魏貅百隊似羊群驅入龍庭哭徹雲元帥曾知  
小豎子庸奴謾作大將軍臨機決勝真難料解  
甲迎降古未聞盛代即今誰洒耻獨提長劍向  
妖氛

奉和西垌相公復用月沙韻垂示之作

近聞廷議闢園扉逐客曾從絕塞移世事險艱  
今日極天恩滂霈古來稀即看羽翮騫鵬路誰  
向蓬蒿屈鳳姿板蕩舊臣身尚健後生方喜此

因依

桃花籬落啓蓬扉僦屋窮閭舍移島戶有征  
魚菜贍野氓無訟簿書稀時危已覺消官况邑  
僻猶堪養病姿日暮登城眺歸路漢陽烟樹碧  
依依

憶曾雲谷閉巖扉出宰頻驚節序移萬里烟塵  
胡騎盛一春風雨杏花稀清明又過添鄉思杜  
宇偏呼損旅姿世亂飄蓬竟何向夕林還羨宿  
禽依

奉謝西垌相公用晚翠堂韻寄示之作

清詩句句動驚人夜諷官齋坐到寅重惠真堪  
報明月俚言那得和陽春三年海國空書字一  
日愁腸劇轉輪忽似蓬萊頂上去口餐瓊液煉  
形神

復用晚翠堂韻寄上西坳相公三首

黃鷄白日不饒人酉退東華更入寅擾擾是非  
憂樂事忽忽三萬六千春試看玉匣堆蓬顆何  
似瑤臺駕羽輪我欲從公掛冠去毗盧峯下卷  
元神

甲庚修煉是真人搬運河車卯與寅紫極彩雲

非下界玄洲瑤草自長春千家綉幕調清管九  
陌香塵擁蓋輪堪笑蜉蝣寄天地利名無賴繫  
精神 右二首奉酬再入仙山之句

諸葛巍然三代人每歌遺表說胡寅蜀都便使  
開章武漢鼎那能伏富春蛇陣壯圖殫豹略草  
廬殊禮邁蒲輪危時更望褒斜路千古風雲若  
有神 右感時述懷以西師覆沒也

奉和西坳相公疊用前韻垂示之作

夜來光燄射窓扉東壁星文海上移珠玉詩清  
認無敵龍蛇字健見尤稀郢人誰敢酬高調嫺

母終難掩醜姿別日忽驚多似髮古城楊柳又  
依依  
即聞關外廢村扉河內還無粟可移孽虜橫戈  
何太數元戎棄甲古猶稀艱危誰復輸長策經  
濟應須籍俊姿坐愧腐儒叨保障廟堂方議此  
州依  
滿輪晴月入重扉深樹還應颺颺移世故攬心  
無日了人生開口本來稀側身盡是崎嶇路隨  
俗元非斌媚姿夜半驚棲有烏鵲南飛那得一  
枝依

志敬儀禪兩上人一時來訪喜而書贈敬住

吉祥山傳燈寺儀  
住摩尼山淨水菴

三即古蹟傳燈寺一島名區淨水菴紫綬春風  
縛身世青鞋咫尺負烟嵐誰呼志敬花前到更  
對儀禪月下談坐我摩尼吉祥頂海天無際豁  
西南

贈佐郎姪汝固

國朝吾祖冠文章汝亦才名早擅場侍講遠充  
戎幕佐宣傳新擢騎曹即昇沉有命時夷險去  
就無攬日短長癡奴自慙隳世業郡城濡滯鬢



全蒼姓曾拜侍講院說書授咸鏡北道兵馬評事今以文臣無宣傳官新除兵曹佐郎故

篇內及之

附次韻

李植

家世斯文各憲章吾宗獨遠利名場今代循良二千石一門叔父大中郎移官近侍非全棄開鎮江關尚用長應念仲容還落拓北風門掩故山蒼

再從姪植

寄賀趙善述

續新拜同副承旨

北闕新承旨西關假禮曹共嗟淹散秩方喜簡英髦紫誥才華盛青雲步武高遙知濟世策一

一羨龍袍

壽詞一首寄上五峯相公

十八瀛洲第一仙麒麟圖畫中興年蒲觴又過端陽節逢矢應開上壽筵莫道浮雲能蔽日會看滄海幾成田龍門舊客臨江待老子青牛范相船

金將軍應河挽詞

虜騎憑陵漢兵沒煙塵咫尺暗麾幢將軍獨射賊數百杜節古來誰等雙輕敵曾聞項梁敗辜息即見李陵降褒忠不用新祠宇千載威名在

萬邦

挾槊彎弓立虜中力窮身死是英雄  
黃沙血濺魂何托白日名懸迹未空  
漢將獨推關羽勇宋朝爭說岳飛忠  
分明一樹陰山柳萬國回頭揖下風

睦都事取挽詞

揚柳城東葉欲抽追君不見立橋頭  
當時尚惜天涯別今日偏驚地下遊  
聞始沉綿且自慰謂方強杜末須憂  
蒼蒼九萬高難問幾箇朝廷第一流

奉次趙判官持世見寄之韻

臨書不敢語分明暫別經春太瘦生  
千里各垂憂國淚百年俱抱愛君誠  
大臣廊廟誰更化元帥戎庭謾請成  
麥壠又如龜兆拆即驚梅雨却催晴

安三登訛妻姜氏挽詞

表內同曾祖三登實我兄憑知賢閣秀  
系出孝門旌花縣慈仁譽芥宮子壻榮  
即今親戚慟一疾未年羸

男鑄壻祭忠  
行皆達上也

六月十五日寄崔進士  
有第時來讀書于

傳燈寺送以鷄酒等物

南指伽藍海北澗紫霞飛散碧嶙峋三韓俗節  
流頭日萬卷書床刺股人舊醜剩燒消瘴毒少  
鷄初炙備時珍未能相訪徒相問符竹深慙誤  
此身

姜秀才翬挽詞姜順安之子也

十九命何短異哉神秀郎平生孝悌性常在爺  
孃旁今日獨安適無兒尤可傷空留手中卷零  
落舊書床

姜被家風世所推寧馨至孝出天資一身只自

蓮規檢百行何曾見關勸陳郡異童傳汝郁晉  
時才子失王綏招魂却是垂孤日不待相知涕  
濕頤

韓僉知讞汝仁來示五山車僉正庚戌壬  
子兩年見贈長律二首謹次其韻以志感  
云

見君如對石翁真肝膽何殊骨肉親都下俱為  
厭鷄子山陰尚說好鵝賓筆承先葉蛟龍壯身  
被洪恩雨露新話著當年却垂淚纔經六十又  
三春石峯生於嘉靖癸卯以萬曆乙巳  
終享年六十有三歲故未句云

常思清妙丈人真托契忘年意最親曾逐山翁  
關外路並充沙相幕中賓怒貌涓驥書何健憂  
玉鏗金韻尚新當日壯夫今白首不敢回望鴟  
江春石峯一號清妙居士  
韓公父子鍾元常卓侯伯仲張孟陽書播萬方  
聲譽大文超百代光燄長潦倒逢君感存沒宿  
昔顧我怜清狂前輩後身今始覺死生真箇似  
康莊

七月初五日夜坐書懷

海甸三年吏秋風一夜愁星河明耿耿梧竹響

颼颼沔浦魚蝦美楊村水石幽誰知及哺意俛  
首此淹留

奉寄趙怡叔正郎

謫去應時命生還是 聖恩可怜南國橘無恙  
北堂萱甸樹分江路官城對海門傷心別來事  
何日共傾樽

疊用前韻寄怡叔

薄劣仍遭譴低回未報恩明時七符竹短日一  
庭萱省咎宵憑几休衙畫閉門懷君秋水隔坐  
負對清樽前年秋檢察使以事講陞狀啓請  
罪繼有臺官劾之今年夏又因故丞

辭次神獸之中故者句云 啓

附 次韻

違南返北士子毋感 君恩縱使古無竹唯

憐背有萱畏讒牢諱客承問暫開門情賦何

稠疊清詩並綠樽

怡叔

次宋子深韻

憐君瑚璉器丘壑寄樵蘇矮屋三間弊平田一

頃蕪鳳鳴唐御史銅臭漢司徒回首蒼梧遠南

風叫有虞

此心勞撫字凋瘵未能蘇夏旱禾留槁秋霖豆

亦蕪不堪憂度日那得醉為徒直欲開官廩令

寬卒歲虞

即聽三伯趙曾呬兩屠蘇海島身仍滯鄉園日

已蕪治名慚漢吏歸計慕顏徒霧雨藏玄豹機

張故畏虞

向老年何駛秋來月又蘇故非龔渤海心許范

萊蕪北岳思禪侶東江憶釣徒終當投板去世

事日艱虞

弘俊上人以月沙相公詩來示索和

江閣清樽已隔年新詩忽見野僧傳西風落日

東回首古渡無人浪拍天  
郭外僑居定幾年禁鐘時逐曉風傳憑師欲報  
安心法莫學騷人謾問天  
碧眼高僧故少年袈裟遠自釋伽傳暫來江郭  
催歸錫楓岳秋光滿洞天  
五十如今欠一年又驚霜信鴈催傳抽簪直欲  
東歸去萬二千峯插九天

贈妙正上人

再聽黃鸝轉三看白鴈飛徘徊捧檄地晚晚掛  
冠時北麓新花塢東沱舊石磯使君今日意唯

有老僧知

寄李沉進士

積石禪房靜清秋好讀書少時窮日月高第慶  
門間共出蓮翁後相逢水國初長腰與縮項一  
為勸躡踏

白蓮寺秋夜用李太白紫極宮感秋韻

白蘇子瞻俱作此詩年皆四十九余亦  
亦四十九因竊有感遂次其韻以自志

白蓮寺前桐紫極宮裡竹萬古一秋聲夜氣爽  
堪掬坐誦諸賢詩異代共羈獨露冷草蟲吟林  
靜夜鳥宿吾亦四十九誰可問太卜老戒必大

費易貴不遠復幽情樂閑曠末路畏傾覆即欲  
解綬去湖鄉晚稻熟

鄭翰林德餘用余春初寄柬之韻演至十  
首余又奉酬以足其數

鄭谷風騷主沉冥晉竹林共尋花柱策常對月  
披襟京洛迷歸憂丘園愜賞心淹留杜陵老徒  
此愧冠簪

又見涼風起新蟬噪晚林賴君投逸韻令我豁  
愁襟皎潔冰霜操堅剛鐵石心徒勞望丹極白  
筆幾時簪

一派江通海千崖路隔林簡書妨命駕風雨惜  
分襟款曲龍蛇字悽涼錦繡心聲嘶吾可耻君  
句感亡簪

鍛翻籠中鶴遙應戀古林誰言宇宙棟無賴馬  
牛襟特立匡時議平生愛寸心朱門歌舞者揜  
是舊紳簪屬鄭翼之

在世還無累冷然似道林天真耽麪藥質朴懶  
冠襟忤俗緣高論憂時見直心劉蕡對策日不  
但一花簪屬任茂叔

南坊通里閉東渚比園林傲世歌彈劍傷時淚

濕襟精忠劉向疏放逐屈平心春草江南路長

懷墮玳簪屬龜川君

獨坐秋城暮歸鴉正滿林岸風鳴戶牖簷雨潤  
衣襟寂寞驚華髮蹉跎愧壯心楚軍三北誰  
為竊齊簪

漢朝繕掄塞湯日禱桑林景仄愁推案宵分坐  
正襟參差禦戎策慘淡濟民心納履吾當去誰  
能更夢簪

李陵雖陷賊漢卒尚如林鯨海縈為帶鰲山擁  
作襟百玉羞可雪千里畏何心孫氏群臣計猶

思拒魏簪

次韻答鄭翰林德餘

才子三年別秋風一紙書昔賢曾乞米今日且  
求魚每欲分甘旨無因問起居雲巒隔江島只  
益鬢毛踈

別恨逢秋劇何堪作報書腰長一斛米鱗細十  
編魚併日資加飯經年慰索居試看今歲歎休  
道故情踈

附 元韻

鄭百昌

久作滄洲客初飛白帝書鼓琴羞不糝彈鋏



食無魚北渚思捐珮東岡欲定居  
看看浮世薄莫遣玉音疎

玄谷

戲簡白沙尹次野九畹李立之鶴谷洪輝

世海峯洪樂夫諸君

敬問諸君子時能憶沁州家居俱寂寂  
身事各悠悠早魃饑荒日妖星喪亂憂  
桑即十斗酒一醉菊花秋

敬問諸君子時能憶沁州北還良可慰  
西邁故堪愁浮世分青眼流年入白頭  
桑即十斗酒一醉菊花秋

奉酬洪樂夫寄和留別之作

遼野連夷界燕山控帝州軍麾塵漠漠  
使節路悠悠歲晚庭闈戀時危社稷憂  
左符乖祖帳僚慄海城秋

疊用前韻奉謝白沙九畹鶴谷海峯諸君  
多謝諸君子新詩到沁州風高汀樹撼  
日落浦雲修身老俱堪恨時艱更可憂  
江鄉十種味一酌菊花秋

多謝諸君子新詩到沁州共懷遲暮感  
何忍別離愁衆鳥趨林表孤舟閣渡頭  
江鄉十種味一酌菊花秋

酌菊花秋

九月九日

江流東北海西南郊甸橫分島嶼涇岸菊花踈  
舍雨潤汀楓葉亂帶霜酣河清可俟千年一秋  
晚仍逢九日三強欲登高作佳節感時毛髮白  
髮髮

奉次石陽正灘隱見寄詩韻

白鴈傳書日黃花落帽辰田園屏居地江海倦  
遊人身老交情重時危別恨新追歡杳如夢一  
望一悲哀

附元韻

去國江邊卧憂來望北辰庭空風掃葉樓靜  
月留人虫語逢秋苦天河入夜新別離無會  
面世事更酸辛

灘隱

寄簡李明佐郎

問訊能詩水部君秋來卧疾閉門早知丙吉  
多陰德爭說桓譚好麗文朝夕飯餐宜勉強尋  
常思慮忌勞煩清漳隔浦涼風起日斷歸鴻入  
暝雲

送儀禪上人入金剛山

四十九歲留塵寰至今不見金剛山金剛山在  
滄海岸白玉作峯高孱顏仙人洞府駕鶴馭佛  
氏世界開雲關郡齋空送錫杖去霜凋嶺樹秋  
爛斑

重贈儀禪上人

秋風吹海樹日落津亭暮東歸一錫輕楓岳山  
前路

寄佐郎姪植

五星家業久沉淪兩世朝端只一身諸從子中  
誰繼躅曾王父後爾超倫固知放誕官難達堪

恠賢良命且屯鳥樹硤雲相望地曉霜初落鴈  
來賓

任博士茂叔以五言排律六百韻述懷見

寄戲書以謝其後茂叔演為七百韻叙  
先生行迹甚詳見元集

萬曆皇明己未秋任君六百韻吾投自從唐宋  
不曾覩雖有杜韓那得酬奧理庖犧卦外刮秘

書倉頡字前搜是年大旱焦山岳定識天驚地

亦愁李相國次吳世文一百韻詩者况六百韻乎唐  
集無有押二百韻詩者况六百韻乎唐

奉簡金同知冠玉

宋諸大家所不能者君能  
之甚可奇也故篇內云

恨望南明路樓逢北渚翁交情同甲子別恨幾  
秋風直氣雖無餒凶年且屢空新稞五斗米一  
為飲兒童

用前韻寄酬金北渚

不見君詩久新題似岳翁一家承句法五字邁  
宗風句僻都門隔霜凝海樹空論文更何日衰  
謝已頭童岳翁乃西  
五十明年滿俱為老病八羽君能抱直道孰不仰  
高風留滯黃堂久誅求白屋空長纓無路請徒  
此愧終童

奉寄邊

廡垣相禮朋叔

安穩邊從事曾聞塞外歸甬來憂患極莫恠信  
音稀岳麓初連棟湖汀更接磯此身官且滿歲  
暮去相依

題學玲上人詩軸

十日留僧宿三年作吏愁只緣論素計誰說愛  
緇流骨岳千峯秀頭山萬壑幽終當脫簪弁錫  
杖與冥搜

鐻白髮有感口占

稷契唐虞日良平楚漢時男兒在所遇功業詐

難追海嶼乾坤老秋風草樹悲壯心徒激烈留  
滯鬢添絲

寄送洪同知命樂夫以謝 息上使赴北

京天將劉繼之敗我軍全沒 皇帝降勅 慰諭以銀一萬三千兩頒賜陣亡人家

帝庭陳謝簡朝賢曠代恩綸軫海嶼戰卒百無  
還一十珍鏐萬有錫三千丁魂帶鏃甘沙磧瘠  
婦扶髻祝野塵行入大邦如問事小潘羞戴犬  
羊天

十二月初四日口號

國法堂上守令箇滿三十朔乃九百日

也余以丁巳六月二十二日上任迄今  
已未十二月初四日乃箇滿日也

兩元正日三冬至九百晨昏守一官初計只緣  
供滫瀡盛時誰料際艱難催科本似陽城拙保  
障終非尹鐸寬秩滿坐慙無報效謾添霜髮映  
朝冠

十二月初六日發江華還京城

虧盈三十二蟾蜍一卧江城兩鬢疎即墨本多  
齊國毀河東終少漢朝譽宦情已減官仍滿鄉  
思偏添歲欲除策馬歸來却回首愧無遺化在

州閭

十二月二十九日戲占絕句

付軍職龍驤衛副護軍也

是月十七日始得適任

江海三霜老使君一身於世懶如雲滿官歸卧城南宅依舊龍驤副護軍

東岳先生集卷之十二 汝都錄終

